



宋槧太平御覽



13
403
57



太平御覽卷第三百五十九

兵部(十九)

羈

珂

羈

障泥

防汗

當胷

鞞尾

鞭

柳

羈



八幡
田中

新編圖書

此係八幡月山諸田一人所購以贖資



許慎說文曰羈馬絡頭也

左傳曰晉公子重耳之及難也秦伯納之及河子犯以璧

授公子曰臣負羈縶從君巡於天下杜預曰羈馬韁也臣之罪

甚多矣請由此亡

又曰初晉侯之堅頭須守藏者其出也竊藏以逃文公出時也

盡用以求納之及入求見公辭以沐謂僕人曰居者為社

稷之守行者為羈縶之僕其亦可也何必罪居者

漢書曰今漢承衰周暴秦極弊之後流俗已薄於三代而

行堯舜之刑是猶以鞵羈而御驛馬如淳曰鞵音機以繩繫馬領曰鞵驛突惡之馬也

東觀漢記曰光武皇帝雖發師旁縣人馬席薦鞵鞵皆有鞵音鞵成賈而貴不侵民樂與官市鞵音鞵

康泰吳時外國傳曰加營國王好馬月支賈人常以船載馬到加營國王悉為售之若於路失鞵鞵但將頭皮示

王王亦售其半價
郭頌晉世語曰愍懷太子好卑雞小馬小牛置田舍令左

右騎斷羈勒令墮馬
韓詩外傳曰昔衛獻公走反國及郊將班邑於從者而後

入太史柳莊曰如皆守社稷則孰負羈勒音勒而從如皆從則孰守社稷君反國而復為私也無乃不可乎

釋智匠古今樂錄曰襄陽銅蹄歌曰龍馬紫金鞍翠毛白

玉羈照曜雙闕下知是襄陽兒

杜夷幽求曰羈蚊絆蚤禁其非法刳蟻屠蝨求其肝膽非至精誰能知之

又曰銜羈之馬伏櫪之駒莫不思平原曠澤翹尾而馳陸也

又曰瑠羈鏤絆呼名翹陸不可化也
夢書曰羈纏為相要制也夢得羈纏要約士也羈結語言

纏往來也羈結纏堅結勅馳也弊絕不用難俛仰也
摯虞逸驥詩曰逸驥無鑣轡騰陸從長川剪落就羈勒飛

軒躡雲煙
孫綽詩曰野馬閑於羈澤雉屈於樊神王自有所何為人

事聞
傅玄馳射馬賦曰百鳥齊興六驥孔閑金銜玉羈文防鏤

鞍明珂景朗華鞞采鮮

傳玄良馬賦曰金羈在首發以明珂鏤鞍采鞞織防含華

鈴鞞音傳玄難良馬賦曰飾以金羈申以玉纓結以輕軒節以和

曹植遊俠篇曰白馬飾金羈連翩西北馳借問誰家子幽并遊俠兒

孫惠三馬哀辭序曰余於物特所留心而所服三馬一時離羈感田子之愛遂作哀文云爾

珂

服虔通俗文曰勒飾曰珂

郭義恭廣志曰斯調國出金銀白珠硫礪水精器五色珠馬珂

又曰剽刃國出桐華布珂珠貝艾香雞舌香

傳玄樂府豫章行曰輕裘綴孔翠明珂曜珊瑚

張華輕薄篇曰文軒樹羽蓋乘馬佩玉珂

鞞

隋書曰宇文述素好着奇服炫耀時人雲定興為製馬鞞於後角上缺方三寸以露白色世輕薄者爭放學之謂為許公缺勢又遇天寒定興曰宿衛必當耳冷述曰然乃製袂頭巾令深褶音耳又學之名為許公褶勢述大悅曰雲兄所作必能變俗我聞作事可法故不虛也

障泥

王隱晉書曰韓友字景先廬江舒人舒縣廷掾王睦卒病死已呼魄家人就友卜令以丹畫板作日月置尸頭前及卧虎皮馬鄣泥登時大愈

蕭方等三十國春秋曰高勾驪以千里馬生羆皮鄣泥獻于南燕燕王超大悅答以水牛能言鳥世說曰王武子善解馬性嘗乘一馬着連乾鄣泥前有水終不肯渡王云此必是惜鄣泥使人解去便徑度

防汗

東觀記曰和帝永元三年西謁園陵栢郁兼羽林中郎將從賜馬二疋并鞍勒防汗

魏百官名曰黃地金鑲織成萬歲鄣泥一具又織成防汗一具

栢寬鹽鐵論曰古者庶人賤騎繩控草鞮皮薦而已及其後革鞍攻成鐵鑣不飾今富者黃金琅勒蜀繡弇汗弇音奄司馬彪戰略曰孟達將蜀兵數百降魏魏文帝以達為新城太守太和元年諸葛亮從成都到漢中達又欲應亮遺

亮玉玦織成障汗蘇合香亮使郭模詐降過魏興太守申儀與達有隙摸語儀亮言玉玦者已決織成者言謀已成蘇合香者言事已合

當胷

後漢書曰太守趙興署鮑永功曹時有矯稱侍中止傳舍者興欲謁之永疑其詐諫不聽出興遂駕往永乃拔佩刀截馬當胷乃止當胷以韋為之也後數日莽詔書果下捕矯稱者永由是知名

鞞尾

服虔通俗文曰馬鞞音樓尾曰鞞胡切魏百官名曰赤茸鍤石鞞尾一具

鞞

禮記曰獻車馬者執策綏

又曰君車將駕則僕執策立於馬前已駕僕展軛鄭玄曰展軛具視効駕白已奮衣由右上取貳綬也奮振去塵也貳副也執策分轡驅之五步而立

左傳曰晉公子重耳之及於難也及楚楚子享之曰公子若反晉國則何以報不穀對曰若以君之靈得反晉國晉楚治兵遇於中原其避君三舍若不獲命其左執鞭弭右屬橐鞬以與君周旋

又曰宋告急於晉伯宗曰不可雖鞭之長不及馬腹

又曰楚靈王使圍徐以懼吳楚子次于乾谿以爲之援雨雪王皮冠秦復陶翠被豹舄執鞭以出執鞭以教令右尹子革

夕子革鄭丹也王見之去冠被舍鞭與之語

又曰晉荀瑶帥師伐鄭鄭駟弘請救於齊陳成子救鄭及濮雨不涉成子衣製杖戈製雨衣也立於阪上馬不出者助之

鞭之

公羊傳曰陽虎將殺季孫于蒲圃使臨南御之至孟衢臨南投策使陽越下取策

陸機毛詩草木蟲魚疏曰楮杖葉似楫松爾雅曰楮櫃也

去匱切節似扶老卽金靈壽是也今人以爲馬鞭及杖

孔絜子曰刑以齊民譬之於御則鞭策也

漢書曰婁敬云太王以狄伐故去幽杖馬箠去居岐

又曰石慶爲太僕御出上問車中幾馬慶以策數馬畢舉手曰六馬

又曰李廣擊匈奴匈奴兵多破廣軍生得廣廣時傷置兩馬閒絡而盛之卧行十餘里廣陽死睨其傍有一胡兒騎廣騰而上胡兒馬因鞭馬南馳數十里得其餘軍又曰大司空士夜過奉常亭亭長呵之告以官名亭長醉

曰寧有符傳耶士以馬箠擊亭長

漢獻帝起居注曰李儻性喜鬼怪左道之術又於朝廷省門爲董卓設神坐數以羊祠之祠畢過省閣問帝起居求入見儻帶三刀手復與鞭合持一刀侍中侍郎見儻帶仗皆惶恐亦帶劔持刀先入在帝側

張勃吳錄曰大皇帝大會飲宴下馬迎魯肅肅入拜起禮之謂曰子敬孤持鞍下馬相迎足以顯未肅趨進日未也衆咸愕然既坐徐舉鞭曰願麾下威德加于四海然後以安車軟輪徵肅始當顯耳帝拊掌歡笑

又曰大皇帝潛軍於皖口命陸遜爲大都督假鉞大皇帝親執鞭以見之

虞溥江表傳曰孫權攻合肥不能下徹軍將退兵已上道權與呂蒙蔣欽陵統等在後張幔飲食畢垂當發魏將張

遼帥六七千人奄至圍遮數重權乘駿馬上津橋橋南已見徹丈餘無板谷利附在馬後使持鞍緩鞚利於後著鞭以助馬勢遂得超度

王隱晉書曰上黨鮑瑗家多喪病貧苦淳于叔平日君舍東北有桑樹徑至市入門數十步當有一人持新馬鞭便就買還以懸此桑樹三年當暴得財也瑗遂承其言詣市果得馬鞭懸之正三年浚井得錢數十萬銅鐵雜器復可二十餘萬於是家業用展病者亦愈

千寶晉記曰晉永嘉初有神見兖州甄城民家免奴爲主簿自號爲樊道基有嫗號成夫人欲迎致便載車行當得此免奴主簿從行爲譯以宣所宜汝南梅蹟字仲真去鄴來經兖州聞其然因結羊世茂阮士公諸賓往觀之成夫人便遣主簿出當與貴客語主簿死不肯避成夫人因大

史記卷一百一十五 留侯世家
史記卷一百一十五 留侯世家
史記卷一百一十五 留侯世家

與索士公馬鞭脫主簿鞭之
何法盛晉中興書曰祖逖與劉琨中夜而坐相謂曰若四海鼎沸豪傑並起吾與足下相避於中原後琨與親舊書曰吾枕戈待旦志梟逆虜常恐祖生先人着鞭耳
沈約宋書曰胡藩字道序義旗起相支戰敗將出奔藩於南掖門捉玄馬鞭曰今羽林射手猶有八百皆是義故西人一旦捨此欲歸可復得乎玄直以馬鞭指天而已於是奔散

蕭方等三十國春秋曰石勒遣石虎率精騎五千掩李矩營生執矩外甥郭誦之弟元教元作書與誦說云去年東平曹嶷西賓猗盧矩如牛角何不歸命勒與誦書餉塵尾馬鞭說賓禮賢弟想同斷金往物爲信矩所領將士並欲歸勒矩知衆之去已乃率衆來歸

又曰成都王穎誅黃門孟玖於是東海王越高密王簡皆懼奔國琅邪王睿又將出焉而微禁甚密穎又先下諸津禁止諸貴人王至河陽乃見拘焉宋典後至以鞭拂之曰舍長官禁貴人而亦見正耶因大笑之吏乃放遣因得奔國

崔鴻前秦錄曰苻堅起教武堂于渭城命太學生明陰陽兵法教爲將士朱彤諫曰虎將之士受教學生強幹之術乃弱本之方夫養將之法譬之養馬秣以高櫛習以戰馭長鞭策後金勒制前折旋規矩任之進退

又曰苻堅引群臣議伐晉太子左率石越曰今歲鎭守斗福德在吳弗可犯且國有長江之險朝無昏政之臣願保境養民伺其虛隙堅曰武王伐紂逆歲犯星夫差威陵上國爲勾踐所滅雖有長江其能固乎吾之衆投鞭於江足

斷其流吾當內斷其心矣

又曰苻堅時關中謠曰長鞘馬鞭擊左股太歲南行當避虜秦呼鮮卑爲白虜慕容垂起關東歲在癸未

崔鴻後梁錄曰咸寧二年盜發張駿墓得珠簾琉璃珊瑚馬鞭

樂資春秋後傳曰魯仲連曰齊閔王將之魯夷維子爲執鞭而從之

表希之漢表傳曰費禕

於離

領漢節誘納降附越嶲太守

張嶷牋誠禕曰昔岑彭率師來歙杖節威皆見害刺客不

鎮重也今明公位尊權重宜覽前事後歲首禕持節行酒

郭循以馬鞭中小刀刺禕數日薨

魏百官名曰駝馬鞭二枚

異苑曰長山張舒以元嘉九年二月二十四日奄見一人

着朱衣平上幘手提青柄馬鞭云汝可可教便隨我去見

素絲繩繫長梯來下舒上梯仍造大城綺堂洞室地如黃

金有一人長大不巾幘獨坐絳紗帳中語舒曰主者誤取

汝賜汝秘術卜占勿貪錢賄舒亦不覺受時

劉義慶幽明錄曰餘杭人沈縱家素貧與父同入山還未

至家見一人左右導從四百許前車輜重馬鞭夾道鹵簿

如二千石遙見縱父子便喚住就縱手中燃火縱因問是

何貴人荅曰是關山王在餘杭南縱知是神叩頭云願見

祐助後人山得一玉狔從此如意

又曰栢玄旣肆無君之心使御史害太傅道子於安城玄

在南州坐忽見一平上幘人持馬鞭通云蔣侯來玄驚愕

然便見階下奴子御幘車見一士大夫自云是蔣子文君

何以害太傅與爲伯仲顧視之間便不復見

又曰廣陵韓畧字興彥陳敏反時與敏弟恢戰於尋陽還營下馬覺鞭重見有綠錦囊中有短卷書着鞞皆不知所從來開視之故穀紙佛神呪經

謝氏鬼神列傳曰下邳陳超為鬼君彌所逐改名何規從餘杭步道還家求福絕不敢出入五年後意漸替懈與親舊臨水戲酒酣共說往事超云不復畏此鬼也小俛首乃見鬼影在水中超驚怖時亦有乘馬者起借馬騎之下鞭奔驅此鬼去超遠近常如初微聞鬼云汝何規耶急急就死

吳會分地記曰六山者勾踐於此山鑄銅鋼不鑠則埋之上生馬箠勾踐遣使者移於南社種之飾治以為馬箠獻於吳

劉欣期交州記曰兕山九德有一角角長二尺餘形如馬

鞭柄

闕駟十三州志曰山桑縣人俗貪偽好持馬鞭行邑故語曰沛國龍穴至山桑詐託旅使若奔喪道遇寇抄失資糧太公陰謀曰武王曰吾欲造起居之誠隨之以身箠書曰馬不可極民不可劇馬極則躓民劇則敗

莊子曰莊子使楚見空髑髏髑然司馬彪曰檄以馬箠而髑白骨兒檄以馬箠而

問之曰夫子貪生理而為此乎將有亡國之事斧鉞之誅乎語卒援髑髏枕而寢

又曰馬蹄可以踐霜雪毛可以御風寒齧草飲水翹足而陸此馬之真性也及至伯樂曰我善治之燒之剔之刻之雜之連之以羈梟編之以皂棧馬之死者十二三矣飢之渴之馳之驟之齊之前有楸飾之患後有鞭策之威而馬之死者已過半矣

淮南子曰昔者王良造父御也投足調均勞逸若一安勞樂進馳騫若滅左右若鞭周旋若環世皆以為巧然未見其貴也若夫鉗且太丙之御也除轡舍銜去鞭弃策車莫動而自舉馬莫使而自走

又曰大丈夫恬然無思澹然無慮以天為蓋以地為輿四時為馬陰陽為騶電以為鞭策雷以為車輪

鹽鐵論曰無鞭策雖造父不能以調四馬無勢位雖舜禹不能以治萬民

又曰秦攝利銜以御宇內執脩篁以答八極

杜夷幽求曰召渴者以臨河不待鞭策而自至

說苑曰默無過言慤無過事本馬不能行亦不費食騏驥日馳千里鞭箠不去其背

楊偉時務論曰轡策鞞擊之具設雖剛怒麓戾蹄齧之馬

若足拘鞞繫口銜轡勒箠策必至則躡躅循軌躡馳

世說曰王敦在姑熟晉帝出看敦營敦覺追帝帝以金馬

鞭與客舍姥莫補切姥以水澆馬屎令追者問姥姥云去已

久矣追者乃止也

又曰王澄字平子從荊州下過王敦敦謀欲害之而平子左右二十八人悉捉鐵馬鞭為衛敦不敢近

夢書曰鞭箠為所使有勅趨也夢得鞭箠欲有使也持以

鞭馬使朋友也鞭使馬疾服諾喜也

曹植九詠曰乘逸嚮兮執電鞭忽而往兮悅而旋

曹植陌上乘日望雲際有真人安得輕舉繼清塵執電鞭

張華輕薄篇曰文軒樹羽蓋乘馬珮王珂橫簪列瑁璫長

鞭施象牙

揚雄河東賦曰奮電鞭駮雷輜鳴洪鍾建五旗
 魏文帝臨渦賦曰建安十八年至譙余兄弟從上拜墳墓
 遂乘馬遊觀經東園遵渦水相佯乎高樹之下乃駐馬書
 鞭為渦賦
 傅玄良馬賦曰鞭不得播手不及動忽然增逝肉飛骨躡
 傅玄馳射馬賦曰佷如革戾如膠鞭裁向腹奮尾跳尻
 曹植表曰願得策馬執鞭首當塵路撮風后之奇接吳孫
 之要追慕卜商起予左右
 李尤馬箠銘曰御者箠策示有威怒東野之敗督責過度
 温嶠與陶公書曰奉惠赤角一具及鞞鼓馬鞭鼓角既周
 軍用馬鞭服以周旋玩之於手與之偕老也偃武之日乃
 當藏之篋笥耳
 謝艾密令與楊初曰今遣舍人孔章特口論要密將軍可

差腹心人肯致珊瑚馬勒香瓔於盈切一具遺王擢王擢狐
 疑於將軍父子事得施矣
 表宏與范曾書曰四海鼎沸天纒將移杖短策以晨征登
 重幙以吐奇指六合以倒戈望崑崙而舉麾

柳五葬切

魚豢魏略曰獻帝露布益州曰馬繫柳而不暇解貫胃延
 頸以侍白刃柳五剛切
 蜀志曰靈帝末先主從校尉鄒靖討賊有功除安喜尉督
 郵以公事到縣先主求謁不通乃直入縛督郵杖二百解
 綬繫其頸着馬柳弃官亡命
 常璩華陽國志曰建寧郡存馬縣雍闓反時結壘於縣山
 繫馬馬柳柱生成林今夷言無梁林無梁夷言馬也
 蕭子雲晉史草曰姚子略時有賀僧者不知何人自云遊

太平御覽 卷三百五十九
歷五郡時人號爲賀五郡齋戒奉道爲百姓說吉凶子略
死泓立僧謂泓曰宜潔掃一馬廐開屋設大柳有異馬其
大非常自遠來天所送矣
趙書曰徐光字秀武頓丘人父以牛鑿爲業光年十四五
爲將軍王陽秣馬光但書馬柳屋柱爲詩頌不親馬事
異范曰丹陽甘卓字季思照鏡無頭乃見在馬柳
荀氏靈鬼志曰泰元中有道人從外國來多有術法自說
所受術師曰衣非沙門也嘗行見一人擔上有小籠子可
受斗餘語擔人云昔步疲極欲暫寄君擔上人甚怪之慮
是狂人便語君欲何許自居邪答云君若見許正欲入君
此籠子中擔人愈恠其奇君能入籠中便是神人也卽入
籠中籠亦不更大擔亦不覺重至國中一家大富而性慳
惜不行仁義語擔人吾試爲君破奴慳囊卽至其家有一

快馬甚惜之在柳下繁忽失去尋求不知處明日見馬在
五斗罌中終不可破取不知何方得取之便往語言君作
百人廚食周餉窮困者馬當得出耳主人卽狼狽作之旣
畢馬還在柱

淮南萬畢術曰馬柳生腐芽者取馬柳生芽可以爲藥食
煞鬼矣

太平御覽卷第三百五十九

兵部舉譎 當于又曰大戴禮兵之作三字脫據本書補 漢書以師以作次 又刑法志立武武作戰並據本書改 老子又曰以糞車 車字脫據本書補 古司馬兵法是故殺人本書下有安 人二字據注安當作生 又曰注虜五穀虜字有誤 又 注仁義上當有禮字 又注職其職疑制誤 又注以示 示當作視 又注輜重輜作輕以意改 又注共事下 有脫文 本行列之政政正通 又注什伍相次作以以 意改 孫子曲幟幟字衍 注曲制者三字百官之分四 字脫軍費軍上當有主字 知之知字脫今補 又豫傳 注猶字及兵無以下皆脫 又注是為將智勇等而兵利 鈍均也鈍均作鈞將勇也三字脫 若主弱三字脫 一

兵部舉譎

敘兵

大戴禮兵之作三字脫據本書補 漢書以師以作次 又刑法志立武武作戰並據本書改 老子又曰以糞車 車字脫據本書補 古司馬兵法是故殺人本書下有安 人二字據注安當作生 又曰注虜五穀虜字有誤 又 注仁義上當有禮字 又注職其職疑制誤 又注以示 示當作視 又注輜重輜作輕以意改 又注共事下 有脫文 本行列之政政正通 又注什伍相次作以以 意改 孫子曲幟幟字衍 注曲制者三字百官之分四 字脫軍費軍上當有主字 知之知字脫今補 又豫傳 注猶字及兵無以下皆脫 又注是為將智勇等而兵利 鈍均也鈍均作鈞將勇也三字脫 若主弱三字脫 一

術爲正正作當一術二字脫注與敵與作爲又能因敵因作與又注以敵爲變以作此據魏武注改注列宿列作外今改清本此注作莫測如天之陰雲不見列宿之象動如雷霆注全脫又注左氏云云在奪心下今改正清本此注作避其精銳之氣擊兵懈惰欲歸此治氣者故曹劌曰夫戰勇氣也一鼓作氣再而衰三而竭我盈故克之此治變者也變作齊人今改注整齊整作高盛大盛作者清本此注作正正者整齊堂堂者盛大之見也正正者孤特象也言敵前有孤特之兵後有堂堂之陳必有倚伏詐誘之謀審察以待勿輕要截也此治變詐注敵專陸地清本專作平又注無常者也常字闕脫兔兔字闕注示弱脫往疾五字脫吳子旌麾清本旌作旄管子又曰大者大作古據本書改六韜又曰

以給以字脫給作急得敵清本得作克警中清本中作衆卒吏吏作利若符事聞符聞下脫泄字符當與誤本書作若符事泄告者聞者皆誅之呂氏春秋又曰與始與作古民俱俱字脫武者不能革者作有不能以下十八字脫並據本書改補又兵喪國作喪國兵今改又則令令字衍又守固非倒則國誤爲固淮南子又曰噬有毒者四字脫又無熱本書熱作藝又望雨也字衍心服也本書作止也又體貞體作耻天圓以下十一字脫據本書補又其心其作下據本書改又魚笥本書作發笥注竹笥上有魚笥二字又專精專作博據本書改又和此本書和作凡按和知訛然待然下本書有必字又注連弓弩作車弓弩本書作連車弩注開發下本書注有之日銷車四字相範

世要論則群則字脫以意補 又仁以受之仁上衍要字
受疑愛訛 杜恕論又曰奚之奚下有脫文 鹽鐵論其
母本書其作以 不傷本書傷作揚 蔣子萬機論牛全
清本全作希 劉向新序三皇之謂也謂作德今改 晉
文公上當有齊桓公三字 又曰此條言及曹表非劉向
之書也又曰誤矣

將帥

春秋元命苞上天清本倒 國語郟穀下當有卒字 又
曰不可廢也不下行亦字據本書刪 漢書齊王傳言高
帝以下是師古注宜夾書 唐書又曰膜皮膜疑貌 古
司馬兵法又曰注故口多死也清本口作戰按將好自用
故師衆不爲致死也多字有誤 注民生愛生當作死
孫子又曰軍事覆疑清本事作士 又圍地則謀則作無

注奇兵清本兵作謀 注當從從作欲 又雜於利害利
字脫今補 又怒可以愠可以二可以作不可今改 呂
氏春秋用不能長之而盡以按以用也本書作不任己之
不能而以盡 淮南子又曰是謂至於清本於作矣 中
詮詮作證 六韜又曰看貪看當有誤 喜信人喜恐不
誤 又武王曰此條節略太過文義不了今據本書補將
與以下二十六字 三略將不言倦將作時以意改 又
曰不遺躡清本不遺倒 相範要集又曰則課則作而今
改 蔣子萬機論行主清本行作衡 糜骸糜作糜今改
孫子曰此一節錯簡清本刪去是也 又注廉財廉作
應 注越納范蠡越作吳以意改 注險難阨阨下疑脫
塞字 利敵人者人疑財誤 敵勃勃與悖通 又軍無
試試與式通 又可遺也上有脫文

命將

史記淮陰侯傳語何以下三十字脫今節本書補之 淮南子詞而詞辭通 下勝下作不 豐昌昌字脫並據本書補正

老將

後周書千餘字口占書六字不躡蹀馳射弋六字並闕 隋書寇邊以下三十八字塞字候邊二字上字足字並闕

良將

漢書以填填鎮通 又曰逐得得作其據本書改 後漢書賈復傳不然上當補數語 又鄧禹傳注紀綱也紀綱倒 又武陵溪蠻溪蠻倒 魏志吾能科生不能以下四字脫據本書補 便科清本便作能 晉書又曰之所之字衍 宋書長安城安字脫乃以乃作及 先士卒卒字

脫 歸降降字在高祖下並據本書改補 唐書又曰以孝聞以字脫今補 會稽典錄張立之云云按此魏武教戒在城王彪之語蓋慷慨下舊文脫落太祖上亦脫數句 傳寫者併混二條為一也 劉向新序至於吳漢云云劉書不可及吳漢書目蓋有誤也再按他部所出新序亦開有載向以後事者或是係後人附錄

儒將

北史言志志字脫據本書補 隋書曰作又曰今改 又曰高元高元作一支據本書改 唐書險發舊書險作齊 又曰立皇家立作位今改 又西涉河涉河倒據舊書改 多驅舊書驅作擁 又卒以以作住 又致理理下當有則字 無越我不訓我以下至末脫 又鳳翔按此 条事體且入邊將部 卷尾清本有又曰元和中以臨涇

縣爲行源州遂命鎮將一條今據舊書考之的爲郝玘事
則此十數字全屬錯簡當移下威名部唐書郝玘爲刺史
條上併爲一節

邊將

史記又曰遷立立字脫今補 拜唐拜作受今改 漢書
自高后自作呂 不擇不字脫據本書補 後漢書又曰
欲從充道從字脫今補 又不忍見漢使使字脫據本書
補 謝承後漢書討賊討上當有以字 魏志遣玄遣字
及追之字脫並據本書補 吳志乃爾爾作此據本書改
後魏書又曰至治崇治崇二字脫據本書補 唐書又
曰請梁國夫人請當作謁 梁吳均詩丹霞劍劍作斂以
意改 歷地寫歷寫字可疑

威名

晉書桓温温作弘 歷數郡太守字脫並據本書
改補 宋書郡將郡作群今改 唐書曰作又曰今改
出自出字脫據舊書補 世說致冲致作置據本書改

信義

蜀志四十餘万本書四作三 番兵番字闕清本作翻本
書作幡並番訛今定作番 後燕錄東魏卒本書無卒字
蓋衍 隋書皆走敗本書敗作散 莊子之舞之疑而誤

撫士

孫子注獨任任作在 以意改 史記又曰分率率卒通
又置之本書無之字蓋衍文 漢書又曰吏過過字脫據
本書補 後漢書又曰獨此間疑脫食字 晉書義徒徒
疑從誤 又載記驟驟當作驪 北齊書又曰先有冰
本書先上有定州字冰下有室字 後周書又曰便退退

字脫據本書補 唐書又曰敢言家家字脫照舊書補
又彥球意字脫 呂氏春秋又曰注配損配疑敗誤
文有所失也按謂振爲有所失是說文之義蓋後人附載
許說轉寫尋誤入本注旋又脫說字也 符子唯飲飲疑
餘誤 一醪之間當有鍾字 三略又曰注有死士士作
矣以意改 淮南子險隘作陰陽據本書改 矢射射石
誤蓋以音訛 說苑又曰君何患無有何以下脫據本書
補

機略

孫子激水激作故 注在度度作疾 左傳又曰將歸死
通典同清本將作敢本書同 又注謂此山道下濕作謂
此道下白濕據本書改 戰國策又曰遣使使字脫 遺
燕將日將下衍書字據本書刪 史記又曰不能能字脫

傅海傳作傳 以北北字脫 今進今作令並據本書補
正 漢書常欲以下十二字脫 糧饒倒並據本書補正
猶十數年本書猶作繇猶繇通與由同 後漢書皇甫
嵩傳受苦害苦字可刪 又曰張步據齊地齊字脫照下
條補 又驚亂敗走走作之據本書改 又不服服作供
照本書改 又曰岑彭此條既出於上但少有詳略撰手
各別耳非誤複也清本不載蓋刪去也 魏志作後漢書
今改 放馬解鞅本書鞅作鞍 分趣趣字脫據本書補
又斬送送字衍 又歷平岡平岡作剛平據本書改
又將軍呂常常作布 追陷陷作蹈並據本書改 又踰
城自歸自歸二字脫據本書補 蜀王本紀刻五石牛刻
五二字脫據牛部補 晉書又曰船艦清本船作舫 萬
全爲計計作討據本書改 又出於要害之城出字脫

又大衆遠來大衆倒並據本書改補 又載記字文段回
本書回作國 又滅賊之術滅作戮據本書改 十六國
春秋許之許字脫 又令支支作又 躬迎躬字脫 無
終終作支並據載紀補正 南史按此及下二條詳其行
文並是通典非南史之原文 荆河州北史作豫州 又
日至巴陵陵作兵兵丘之訛今據本書及梁書改 梁書
營林木木字脫據本書補營作地 北史又曰兩兩一字
脫據後魏書補 後魏書千里里作日據本書改 風雨
在人清本兩作道本書同 又獲叔以下十一字今補欠
此數字上俘字不了 又靡資靡作糜今改 三國典略
陽有陽作楊 輕船船作騎並據後周書改 後周書又
曰州界州字脫據本書補 通典又曰趣咸陽咸陽作長
妄據北齊書改安又誤作妄 齊神武違之故敗也八字

當注書每條下斷語是通典之例 又不爲行列爲字脫
據本書補 通典路寬放縱本書路作平 縱糝本書作
縱糝糝 又與玄感與玄二字脫 始合合作會 玄軍
玄作宮 玄兵閒衍感字並據本書及隋書改正 又河
陽內城河字脫據本書補 浪古閒切開當闕誤 又王
充除世字避諱非誤也通典之文皆然他倣此 密出密
字脫據唐書補 唐書將數騎將字脫據舊書補 又曰
鳥殺所介作烏矢矢不得所介之音今以意改及閱通典
乃作鳥鍛殺鍛古今字 又注糝筭也通典作子管反
又至朔州州作川據舊書改

料敵

孫子法令注號令出令出倒通典作發號出令是也 賞
罰注戮而無成清本成作威通典同是也 知吾卒之可

用知上行敵字今刪 作之作爲候今據注改 形之注
觀其所得而知之通典其所下有據則氣勢死生可七字
左傳不可矣本書作不可食已 又無患吳矣吳字脫
今補 又以繫於繫於作擊之據本書改 史記又曰滅
楚楚作項今改 又可因其飢可作不今改 通典又曰
驚亂起火亂起倒據魏志改 又然後馬步徑進後字脫
據晉書補 吳志僞欲僞作爲兵未到兵字仁果仁字脫
並據本書改補 十六國春秋乘高候候作堆據晉書載
記改 通典又曰羈旅作據據後周書改 後魏書猶
足猶作獨據本書改 而甚而疑當爲誤 朕克朕作晚
今改 漢晉春秋于上邽于字分兵兵字脫並據魏志注
補 不宜進前不字疑有誤 何平魏志注平作干 南
圍圍作國據魏志注改 衛公兵法理雖清本雖作須通

典同 自聰清本聰作聽 孫子薪採注塵散衍而條達
各行薪采也薪采作所求以意改及閱通典衍作行 烏
集清本烏作鳥注同 軍無懸筆通典筆作缶注筆卽筆
通典作簞卽缶是也 又曰此亦通典所出疑吳子之文
又曰誤矣 冥選通典同清本冥作宜 部冰通典部作
剖是也

用間

孫子傳於傳作待今改 又曰且緩攻攻以下十七字無
今據史記補入 晉書又曰北城本書作北地 詐允詐
作許據本書改 通典謀人人作之據後周書改

示緩

戰國策去邯鄲去作軍據史記改 通典又曰未肯未作
安 安之安作爲並據晉書改 宋書臨川王川作烈今

改

務速

魏志五百六日五六倒據本書注改 晉書又曰迎刃刃
作刀今改 十六國春秋逕據逕作遙 連結連作速並
據晉書載記改 又董咸載記咸作成 唐書又曰吾出
悉兵出悉倒據舊書改 衛公兵法有所待也通典同清
本待作恃 唯主速通典唯作雖

示弱

魏書魏作漢今改 群下咸以咸以二字脫據魏志注補
陳書居守居作軍 入據入作人並據本書改 後周
書千仲文于作崔今改

示強

左傳楚幕下注楚國二字今刪 又曰進次進作又以意

改 後漢書羌聞羌字及日增倍之四字脫並據本書補

先用本書作潛發 通典火燃火作牙據魏志注改

又曰前當亮前字脫據蜀史注補本書當上有而與魏延
軍錯道逕前九字 又皆破之本書皆上有旋字 又衆
萬閒衍乃字今刪 賊謂謂字脫據宋書補 又杜勳及
虜及虜作汲魚據清本改通典作汲漁

審察

宋書十萬十作一 逕據逕作送 呼興呼作遣 有興
使馳入有字馳字脫並據本書補正 又曰軍主軍字脫
今補 通典檜椿椿字脫據後周書補 軍讖餘糧餘疑
饋誤

避銳

孫子少則能則作而能字脫 注我師師字行 逃守通

典守作以 敗之也之字衍 堂堂者威盛貌堂堂者三
字脫 戰國策曰按兵部所出多是通典之文通典序選
之體不彖舉書名直提時代爲目如曰周曰戰國曰漢是
也撰者乃襲用其文冒以書名曰史記曰漢書不復詳校
原文故紕繆殊多遂至如此条目吳子爲戰國策或又原
文出處明白而直以通典曰出之疎漏亦甚部中曰某書
曰而本書所無者皆此吳子之類也此校晚得通典諸不
及改者悉出之舉譌他如本書作某是也皆屬追校 必
卒卒疑衍

安衆

史記又曰先封則本書封下有雍齒以示羣臣羣臣見雍
齒封十二字按此文雖節略出之封下當存齒字 晉書
又曰嶺南賊賊作城今改 又載紀三堆堆作淮清本山

堆今據本書改 三國典略郫樊樊作繁 並作併並據
梁書改

法令

唐書又曰大斗軍斗作計據舊書改 以同列副使爲副
副使不爲翰用列作對照舊書改舊書作有同列爲副者
見翰禮倨不爲用 又津而下疑當有渡字 又入挖丹
鳳門清本挖作據舊書作屯於含元殿 韓子民爭趨之
趨之作上據本書改 尉繚子信行行作比 淮南子故
戰戰上疑脫每字 魏武軍令就表而陣陣上清本有臨
字 武侯兵法阿私所愛愛作受以意改 本衛公兵法犯
法怠情清本情作隋通典同是也 又曰侵掠者通典上
有因便二字 或于行四句疑有誤 罪全陣全上疑脫
在字通典無罪字 等差通典等上有不字 任便斬之

通典任便作仗法 若違違下疑脫令字

孫子注

孫子注旌旗亂以以作也據魏武注改以金鼓齊之作

以金間之周禮又曰大合軍三字脫據本書補唐書

又曰蒙以蒙字脫列戟列作刺並據舊書改補古司馬

兵法又曰注以仁德字疑有誤以從從字有誤吳起

教戰法二鼓戰陣戰字有誤又教旗法鼓音動則角音

動則二則字在鼓角上今改鼓音動則則字脫亦補太

白陰經任行列任字疑有誤又曰槍棊幡守槍棊上疑

有脫文鄴城故事此条不倫恐錯簡

軍制

穰苴兵法五十人隊人字衍 爲握奇以下十六字脫

通典注部署本書同清本署作主注一分支牟牟作槍

牟以下二十六字闕本書此注作六分支甲八分支頭牟

四分支戟一分支弩一分支棒三分支弓箭一分支槍一

分支排八分支佩刀 又曰伍人爲列本書伍爲五是也

唐書又曰逗撓之興之興字有誤清本無此句 玄戈

軍并鉞軍戈作戎并作井將一人將字脫並據文獻通考

補正

偏將

左傳荀首首作息今改晉書又曰給吳給作級據本書

改 又天府之六星也本書作天之六府也大將軍三字

正左右三日貴相太常理文緒四司祿十六字五日以

下二十字脫司中作中書並據本書補正 又七將明大

大作木明字脫據本書補正 又東一星東一作南三據

本書改 車騎上行車騎二字 又東井二字脫據本書

補

大典注器用清本用作局本書同書引強敵敵字有誤本
書無亦長短經游士注主伺伺作祠以意改

兵衆

三十國春秋驕怠急作急今改我卒乘乘下疑脫勝字

又日起兵東還起字脫東作車據晉書載記補正載記

無兵上有雖字擬向作所向後魏書堅問二字脫今補

猶尚本書尚作當又曰瘞兀本書兀作瓦三國典

略與王與字脫今補衛公兵法宜作統法據通典統法

間有行法其統四字戰銳隊銳作鋒兩戰戰下有隊字別

著隊頭一人下有副隊頭一人五字又三堅三作正卻

迴作即迴皆是也

卒

漢書又五行志注主問二字脫云姓名是誰作名大姓

誰並據本書補正又食貨志一歲力役四字脫今補

更卒以下大書今改魏武步戰令曹舉事通典曹上有

疎數兵三字事作白是也辨命論趙士士下行卒字據

文選刪

騎

後漢書退卻退作追據本書改張璠漢記蔡雍雍與邕

同三國典略高祖作先尋據陳書改

陣

尚書伐紂伐作與今改左傳又曰必獲勝勝上行候字

又整旅旅作衣今改漢書又曰齊王龍且王下衍使

字隋書此屯營本書無此字清本此上有據字賜良

馬賜字脫據本書補 唐書未遭敵陣敵陣倒 殊不
 字脫以意補 又星宿孤虐地陣山川向背人陣十二
 字 莊子君無君作軍據本書改 鬻子虎旅上當有紂
 字 六韜又曰其避避字有誤 衛公兵法前鋒隊下通
 典有駐隊二字加戰鋒加作如諸賊徒以下別起是也
 又曰其陣行通典行字重 多即通典即作有 太白陰
 經水因水字脫以意補 又曰終一按下条注有自一陣
 之中分爲八陣之語此終字疑自誤 又天陣脫今補
 注衝或疑有誤 風陣全注雲陣注雲附於天四字大書
 今皆改 風附於天天疑當作地 銳首銳疑當作方
 已前爲四正五字在爲坎上今改 注突擊之義義作戰
 以意改 以前爲四奇五字脫照前文補

先鋒

東觀漢記至月中至字脫據後漢書補 魏志持戟持字
 及先登字脫據本書補 晉書載記段國段作政據本書
 改其國本書國作地 又姚國方以下二十一字刪去文
 義不通今補 宋書振威將軍威作武將字脫 所領領
 字脫並據本書補正 又曰又作梁書今改 沉田子沉
 字脫照南史補 後周書柳蚪蚪作昂據本書改 唐書
 敵五巧切音出於下武德中條今改入於此

殿

傳又曰晉師二字脫今補 又注殿注字脫今補 後漢
 書行巡姓行名巡也

鄉導

衛公兵法獸跡跡作疏今改通典作足 注兵革清本革
 作車

伏兵

左傳注無剛則作口其剛今改典通典留守留作興守字
脫望見脫並據魏志改補又曰不數魏志數作能
步騎騎作卒據魏志注改晉書遣軍軍作車今改北
齊書而縛降降字脫本書同以意補後魏書岳密岳作
兵今改唐書又曰其中舊書無其字按下有堡中語則
此其當堡誤又王充別下王充脫以意補發伏蓋倒
又設三伏而旋設作自伏作月據舊書改下行太宗二
字今刪又登山下下疑上誤吳起春秋置魚腹劍劍
字當在置下世說相温温作玄今改
詩又曰為難難作柔今改禮記獲謂謂作猶注之也也
作人並據本書改左傳又曰注本書無御之也三字

又注榮齊大夫榮上當有郭字又衛牧注經書以下可
刪論語舍曰以下十字脫今補國語越王越字及請
盟曰字脫照本書補注申胥吳臣吳作楚蓋撰者據本
書上文注曰申胥楚大夫伍奢之子誤為楚臣也今改
又曰穆王將征犬戎六字脫戰國策為燕謂為字脫燕
謂倒人相久作不並據本書補正又曰捕逐本書作補
遂漢書匈奴傳東襲間衍集字晉書又文紀曰文作
宜據本書改北史人凡倒據本書改三國典略闕公
闕作閒今改石梵石字脫今補後周書又曰以待其
至本書同至字疑有誤隋書今三百今作合又子牛三
字脫右轉右作又陳滅陳字脫並據本書補正得歲本
書得上有將字又曰如使本書同如疑衍又事意意
當作宜唐書李子仁子仁李勢字避勢字也五由由

作在以意改 古司馬兵法注地而地上疑脫分字 謀
人疑有誤 注三者三當王訛 沮之本書沮作青是也
注杜塞不令杜作土令作命今改 孫子注皆失之矣
句有誤脫 結成成作威據魏武注改 交者也交字疑
衍 已威得伸已私也魏武注作故威得伸而自私 春
秋說題辭涉入入疑人訛 白虎通使己己作民據本書
改 開自出開夏后啓也避景帝諱 又曰殺之殺作弑
伐擊擊作于尙書曰三字脫 憚警警作驚並據本書
補正 說苑又曰兼國則王兼國王三字脫 者樂倒並
據本書補正 無事本書事作土 新序壇六六字東面
面字今補 太宗于方本書于方作于敖 攝治亂攝作
撮據本書改 又曰奪之之作也之也多誤今改 吳越
春秋欲援蟬部援作哺清本作稷 時進蟬部時作務本

書作而 又曰因此而壞其謀可乎壞作懷以意改本書
壞其二字無 又念復吳讎作念復欲復承之復承之三
字下文誤入於此也今據本書刪改 呂氏春秋方九軌
本書同按方上有脫文 注仇讎仇由繇由通 又曰解
在以下及注今呂覽無此文 注加兵作與加以意改
又傷卑傷子二傷字俱作侍 克夷克作堯 後去後作
復並據本書改 淮南子注南方方字九嬰二字脩虵二
字脫 在西在作主並據本書補正 窳窳窳作弄本書
作猥猥按弄契字相似窳字從穴契亦宜作窳窳窳見山
海經故今定作窳 又曰此条在國語大畢伯士条下今
改 注有陳有作守據本書改 國語又曰諸侯伐不恭
而討之討伐易處於文爲順 列子御而笑之笑部御作
仰 孫卿子行於行字脫據本書補 尉繚子地方百里

本書作死士三百此條與本書文大異

請征伐

後漢書又曰有言閒衍信字 唐書大震關震作霰據舊

書改 又曰惡之惡字脫表飾表作裘並據本書改 三

國典略又曰斛律光律字脫據北齊書補 色耒字有誤

出師

後漢書又曰頭髮上行鼓字 後魏書庶又庶作度遺陞

下遺字脫並據本書補正 後周書權景宣宣作軍據本

書改 白虎通服皮弁上有脫文 辭面面作反祖禰禰

作社並據本書改 魏明帝善戎行我征我字有誤

軍行

白虎通王法年四十受兵法何重不絕人世也清本不字

在受兵法上本書四十作卅按當從卅蓋謂三十受兵六

十歸兵法字不字並衍歸者歸下當有兵字 孫子又曰

注行位位伍誤 又颺水上當有此字 無留留作流今

改 注車騎騎字脫據魏武注補 右背之之字脫注為

陣為字脫 勿逆也字在上句下今改補 又遇絕礮

作絕礮過以意改 大害據下注大六之訛通典此二字

無 亟去去作之今改 天牢注通典作深水大澤葭葦

蒙蘆所隱蔽為天牢 天陷通典地形上有陂湖泥濘四

字 注多水也蔣者五字藁生也三字脫 衛公兵法中

軍中作右後軍後作右並改 四顧四字脫據通典補

蹈水通典水作行是也 初發上通典有准字各量下有

置字 又曰分別通別作典引是也 輜重隊相去十步

下一隊十字衍 太白陰經又曰橫括通典括作檢 又

繫小繫作繼據通典改

會兵

後漢書皖城本書皖作皖通 唐書陽穀穀作谷賊形自
撓作形自不撓並據舊書改正 已來本書同來疑東誤
三國典略溢口溢作溢據北齊書改

誓衆

書又曰欽承天子休命六字可刪 又注布棄布字脫據
本書補 唐書又曰仗順仗作伏今改 古司馬兵法注
軍衆衆作聚申重重作望並以意改 軍德薄軍當君誤
又曰無有虐本書無此句 論衡主必下清本有非字

磨兵

晉書黑稍龍驤稍作稍驤作驂左戰帥帥作師乘勝勝字
脫並據本書補正 又曰敢有二字脫據本書 後周書
齊恐齊字脫據本書補 隋書部伍部作步據本書改

唐書又曰繫崇望繫作繫據舊書改

饗士

史記齊皆齊字脫據本書補 後漢書又曰奉詣作未詣
據本書改

犒師

左傳又曰周北門周字脫今補 後漢書遠伐遠作遂據
本書改 淮南子其以以已通

戰

左傳又曰北郭啓比作伯 之諫倒入齊帥帥作師今並
改 又曰疆場上當有相公字 公羊傳又曰危不得葬
也五字 不日八字脫並據本書補入 家語三交本書
交作刻 大聖兼該文武並用也本書作大聖無不該文
武竝用兼通 適聞其說上本書有求也二字是也 國

語不共三軍饑勞之歎本書作不能與三軍饑勞之歎
戰國策外黃外作水兩百戰百勝上脫百勝下脫百戰並
據本書補正 漢書又曰楚為三軍為字脫據本書補
又覩見本書覩作望 後漢書留尚留字脫據本書補
又會日暮至范三十五字據本書補入 續漢書自往救
之救之脫自有欲字 劇虜作步並據後漢書補正
晉中興書屯于水北水字脫照晉書補 又廣陵相相字
脫即斬即作邳據晉書補正 又彼不顧不字脫以意補
十六國春秋白純白作帛據晉書改 又曰是亦通典
之文下同 後周書齊人齊字脫據本書補 通典又曰
自名名作若見遼遼字脫 注節宣節字脫並據魏志補
正 雜選武功魏志注作推選方員 後周書又曰披甲
本書披作鞍 又父統父字在下統上今改 隋書又曰

而覩而字脫據本書補 唐書事李事字脫乃止乃作
又據舊書改 三國典略虜騎下有脫文 那肱騎上亦
有脫文 戰不顧親 後漢書又曰欲以以作與據本書改 九州春秋贛遣贛
字脫以意補 三國典略侯安都侯作薛韓子高高作臯並據陳書改
隋書衝突下行厥字據本書刪 孫子注言亡國言字衍 左傳注馳也本書馳作驅疾也
戰國策書目誤矣說見於上 漢書又曰彭越二字脫今
補 後漢書又曰李憲憲作董據本書改 十六國春秋

太平御覽 舉議

進騎進作追進多訛今以意改
六韜親君君當軍誤說苑作國語今改戰國策攻狄
以下七字刪去不成文義今補漢書馳不馳作驅據本
書改後漢書又曰反還奔城反字脫據本書補又兒
宏劉奉宏劉倒今改攝憤憤作憤魏志從諸滑作從
道滑九都九作九並據本書改又曰戰益怒及覆水
中本書同按怒疑努覆上脫反字吳志爲矜矜作磴
晉書劉裕等裕作毅以意改劉毅劉字亦補使相謙上
衍使字又曰梁王彤作齊王彤梁黍梁作梁令終令作
命授命授作受並據本書改又舉鋌鋌作鋌據本書改
下同又載記帶雙韃本書作雙帶韃服去不還上行
名字又符登登作堅今改又以力力作刀前後後

作徒並據本書改又軍之二字脫據本書補十六國
春秋恩顧顧作願今改宋書孝祖梟將上行昔字南
史樺皮樺作華今改後魏書又曰爲燼二字脫據本書
補遂解固城解下行假字陳書作隋書下隋書作又
日今改中領軍中領二字衆軍軍字脫交兵作於兵潰
散潰作會並據本書補正唐書又曰賊委賊字脫據新
書補又李奉國李字脫乘冰水作兵並據舊書補正
又踰月城中城中間有脫文三國典略欲當倒以意改
六韜雖戰上行一戰字據本書刪古司馬兵法注危
敗敗字及謂小敵並有誤擊誘擊恐繫訛孫子又曰
注專爲屯屯上通典有一字易擊故也無故字備多已者
多已倒又必戰之日又下有審字夫善戰也作者皆是
也呂氏春秋人在馬前人馬二字脫據本書補淮南

子後後必後字脫據本書補諸葛亮兵法不逆其虛逆
 虛疑有誤與形與作其據通典改衛公兵法龍蛇蟠
 陰蟠陰有誤射雉賦心猶猶作捐據文選改李少卿
 答蘇武書載戰文選載作再載再通辨亡論困而困作
 困據文選改又魏志魏本傳本傳本傳本傳本傳本傳
 突圍漢書又曰軍法本書軍作漢水下將軍下作若又曰表
 尚按此条固非漢書文亦與范史不類疑是東觀漢記然
 未得確據故不敢改下同而還還字脫照後漢書及三
 國志補又曰約其約作納據後漢書改魏志千餘人
 千當十訛潰圍救之潰當有遼字救作刺以意改
 後漢書爭死爭字脫據通典補又曰倣將軍將軍二字

脫據三國志補又反城本書同城下當有守字又追
 擊追作走據本書改晉書群帥作于師據本書改又
 載記寸刀本書同刀疑刃訛十六國春秋驅令驅作馳
 以意改隋書張金稱稱作初據本書改衛公兵法聲
 援援字脫據通典補退不通典同按退當進誤

乘勢

史記注肴驛作驛者據本書改晉書郭銓銓作鈴騰
 之騰作勝亦謂為然作亦為喟然並據本書改又沅
 湘作沈湖據本書改又彭模彭作平今改又上步騎
 騎當兵誤賊艦艦字岸上岸字脫並以意補又向之
 向作而清本作今據本書改可滅當作賊可滅也唐
 書張南堡南作難

水戰

太平御覽 舉議

隋書登陸俱發陸作陵俱發二字闕據本書補正 越絕
書吏僕一人射長一人長鈎矛斧四人戰士二十六人總
合甲兜鍪各三十二之數 吏僕疑有誤 莊子客聞之
以下二十一字脫今補 或以封以下十六字闕

掩襲

後漢書羌引羌本字脫據本書補 又曹瞞傳將軍將作
諸今改 又且兵疲兵作見據三國志改 魏志劔閣之
軍軍作士據本書改 又曰敘母罵之敘母二字容汝汝
字與超超字脫並據本書補 吳志南郡可不戰而下羽
易擒耳下字脫今補三國志作南郡可下而羽可禽也
晉書又辰星逆行星字脫據本書補 王隱晉書但催催
作摧以意改 董贍晉書贍作昭 故道出上疑脫不肯
二字 晉書又曰蒯思清本思作恩宋書同晉書作思

張嚴張作長宋書同 馳前馳作騎據宋書改 江津船
艦津下衍一字 鎮惡軍人惡下有至字車下有門字宋
書此間有王栢穴內城導入鎮惡一事百餘言今皆刪去
則至及門字皆屬冗今刪 梁書於泉泉原淵字避諱而
改 後魏書賊堰既成賊既成三字脫據本書補 又曰
此天亡之時也一句無據本書補入 又破擒之破下行
被字 後周書曰作又曰今改 以此以字脫據本書補
下以字并執執字同 又曰乃將乃作輕及太祖及作伏
簡諸將以簡以二字脫並據本書補正 又營農倒據本
書改 綱州本書作細川 隋書散走倒日行日作自並
據本書改 又曰有同同字脫據本書補 請以同行本
書以作與 又密遼出兵密字脫今補 唐書又曰西道
行軍總管總管二字脫據舊書補 又中軍二千清本二

作三舊書同 張柴圍舊書圍作砦新書無 羈勒兵甲
曹舊書勒作勒無兵字 董重質重字脫今補 得甲仗
庫易其器甲舊書不載此事 復薄城復作後以意改
城上舊書同疑倒 又曰公可作乃據本書改 國家
也須謀歸路此謂預禁其侵略為歸報地也
大率率疑當作索

攻圍

孫子注不與敵戰與作以據魏武注改 左傳又曰紡焉
注所紡紡字而藏之而之二字脫並據本書補 戰國策
武安君上行伐字 漢書少年倒 汲城汲字城下水下
水二字以下下字脫並據本書補正 三千本書三作四
後漢書又曰奔命奔疑亡 東觀漢記會明據後漢書
下當有諸將說弁之語 自憂治城具句有誤 突臨淄

後漢書作還奔臨淄 江表傳江作漢今改 實邈清本
邈作克 英雄記出圍開衍為字 王隱晉書登梯句有
誤若移樓柱拔壞下則文義稍屬 晉書又曰復來復作
後營陣既立既立二字脫並據宋書改補 寅薄宋書無
寅字 宋書賀賴盧賴作刺今改 又曰朱循之危急部
作脩之本書同是也 圍之糧絕圍之倒今改宋書作為
虜所圍數月糧盡 又若有若字所殺所字脫並據本書
補 梁書鄧元起鄧作劉 便得便作使得字脫 東軍
軍作君並據本書補正本書東作賊 後魏書時爾朱兆
時作被 及兆等及字在等上並據通典改 北史穎川
郡城周書無郡城二字 今高相相作襄據周書改 隋
書擊城本書同擊疑攻誤 又拜武閒衍賀字填壘閒衍
墳字並據本書刪 唐書又曰率不可攻按率當在攻上

又進兼衙前進字脫據舊書補 又明日燧三字悅謂
悅字脫並據舊書補 吾此舊書同此下疑脫閒字 說
苑壘梧丘作累吾兵今改 古司馬兵法則追則作為
注合有有疑當作者 以寡以疑與 衆者之者衍 分
共共疑當其誤 避之避作譬據本書改

拒守

後漢書前將軍將字脫據機略部補 不拔拔作捐據本
書改 又因保其城保其倒據本書改 梁書又曰道恭
上有刺史蔡三字今刪 土狔狔作填據本書改 後周
書又曰獯子獯作驩今改本書作貍字相通 又賀若弼
賀上行將字 及亡命及作乃據通典故 北史一來一
作亦據後周書改 隋書士彥叩馬彥作庶今改 又擢
為為字脫段孝先段作祖並據本書補正 又弘城守守

上行中字據本書刪 唐書又曰其齒存者齒字脫據舊
書補 又義圍宋州四字脫據舊書補 又與衆軍合衆
軍倒以意改 三國典略又曰門將開門字脫以意補
呂氏春秋王曰公輸般王曰二字請令令字脫並據本書
補 博物志東里隗隗作覓 禹亂亂治也 太過秦論誰
何開衍奈字今改

危急

史記又曰繫之繫作繼本書作約 後漢書疏勒城中城
字脫今補 魏志郡將將字脫據本書補 晉中與書保
固一山晉書有假鑿龍驤將軍鎮鄒山之語一山或是指
鄒山云 齊書軍馬洽漬洽當洽誤漬字脫以意補 炊
而炊作吹今改 隋書閒行閒作聞 孝德不甚禮之孝
德二字脫據本書補

孫子注矢頭矢字脫據通典補清本作火墜不燒煙具也
 燒煙疑倒戊翼參日宿通典日作四早應早作軍
 注攻其外攻下衍一攻字無使敵知吾所為無上衍吾
 字所字脫陽風也陽風疑倒卒至至字脫據通典補
 按至疑止誤漢書注門敗門字脫據通典補後漢書
 此虜此作北據本書改又曰以火燒布布字脫據本書
 補又夜潛勒兵夜潛倒本書同以意改戰至戰字脫
 據本書補魏志誕反至誕等四十七字作太傅司馬宣
 干潛軍東伐以誕為鎮東將軍後母丘儉反事實錯互今
 據本書改正吳志曰作又日而在魏志上今改蓋放
 放作於據三國志改晉書亦方方字有誤錐著錐字
 脫據本書補晉中興書以兵過後過字有誤雞部所出

此句無齊書東離門疑有誤陳書有江東有作時據
 通典改兵交作兵放火據南史改北史又曰又作後
 周書今改敵之絕險敵之二字無據本書補通典而
 不亂捨四字脫據本書補又曰頂下本書下作上下同
 又音服作暗伏又冠矢端冠作符又簪中簪字脫並
 據本書改補又火杏矣本書無矣字

水攻

孫子注為衝衝作衛軍耳耳字不可可字脫並據通典
 改補南史監豫司豫司脫封延伯延字脫急踰踰作愈
 三峽三作二並據本書改補內薄內疑肉訛小史據
 史字脫據本書補梁書潼沱沱作江護堰護字脫並據
 本書改補鏤鋤本書鏤作鏤垣以垣字脫據本書補
 帝遣賜本書遣上有復字列居其上其上二字脫據

本書補 此南本書此作北南史作此依本書南上當有
山字 陳書施拍本書同通典拍上有拍字 帶夾本書
作夾于 又遂擒紇遂作因以意改 三國典略然城被
灌已久多亦頽壞 十字脫據通典補 唐書使淺使字脫
據舊書補 又曰兵者二字脫 機者時舊書無時字
太白陰經謂源謂作爲今改 又曰縱闊一寸作長一寸
三齒三字或一里或字脫並據通典補正 又大可握三
字及○以下五字脫據通典補

勝

孫子又曰不失敵之敗者也敗下行勝字 又注爲之譎
詭爲字脫據通典補 左傳又曰注禱河上有注字今刪
戰國策書目非矣 所謂理者謂作爲以意改 又曰
北之堂上北作比以意改北敗也 又攻齊下行太子曰

三字 雖魏矣下有此臣之百戰百勝也八字今並刪
魏志網羅閒衍運字 晉書又曰爲爪牙爪牙倒爲字脫
據本書改補本文數千言此因但有百戰百勝之句謾抽
出數語鹵莽亦甚 漢晉春秋知定知字脫 不妨有誤
三十六國春秋爲西夏爲作於以意改 又曰勃勃勃
作敦字同 故運故字疑當有下句上 梁後略君子有
誤 光武之懸謀謀以下盡古司馬兵法二節一葉全脫
以清本補 相繼繼作係蓋以音訛今改 古司馬法又
曰注堅固固作守 衛身身作矢並以意改 呂氏春秋
能而本書無而字 不必在彼者必者字脫據本書補
又曰左人本書左作老 搏飯搏作搏今改 辨亡論又
曰宛然晉書作莞然

史記敗曰三

太平御覽

舉議

能

史記又曰三敗三字脫今補 又注曹子以一劍之任枝
相公之心於壇坫之上十六字無據魯連傳補 後漢書
又曰禹不聽復戰大爲所敗九字闕 又馳驟驟字闕據
本書補 晉書又曰鄆城郵作剽田次之之字脫並據本
書改補 又欽子鴛鴦作弟據本書改 又天池池作地
今改 晉中興書又曰馮談晉書談作談 宋書善射善
作此據本書改清本作使 梁後略暗江水滿旬上下疑
有誤脫 泗之泗字可疑 通典出旗鼓後周書無出字
隋書煬帝征高麗煬帝征三字脫麗作之 唐書又我
師衆下有脫文 三國典略汾河河作陽 高梁關北齊
書作高梁門府 曰此言曰此作月日 也走清本無也
字 又船路路字脫據陳書及周書補清本作隻 率步
卒卒字脫拔軍拔作大並據陳書改補 衛公兵法相親

相上通典有不字是也 汧馬督誅序又曰偏師師當帥
訛

招

左傳圍費費重弗克弗字脫今改 史記陳豨反上有漢
高帝初四字今刪高帝高字補 靈丘作州丘據本書改
漢書因稱蠻夷大長因下有爲之二字據本書是爲書
之誤然節抄止于此句二字竟梗文義故刪 後漢書三
王謂淮陽王張卬穰王廖湛隨王胡毋也 下索閒衍雲
字 鄆王下有鞭字清本無蓋注更尊二字誤爲一入本
文也今刪 吳志作蜀志今改 三國典略一枚枚作枝
今改 隋書又曰悉發發作散據本書改 唐書又曰棄
祖父之勳力清水力作反 又其情易得得字脫以意補
降

後漢書又曰諭降諭作譬今改 又雄張南道道字脫
注墨接接字脫波河波作渡並據本書改補 晉書又曰
周楚楚作颯今改 嵩咎咎作咎堅勸勸作觀並據本書
改 唐書後兵出戰官軍句有誤脫 又曰劉黑闥黑字
脫 迨暝迨作合閣下攻作屯並據舊書改 陳兵大集
舊書無大集字

詐降

後魏書逕造逕作遙據本書改 通典返也也作之以意
改 又文德逃歸文德脫今補

乞師

左傳又曰注公不事晉晉字脫今補

救援

又韓語雁行雁作鷹以意改 史記辭決而去作坐而去

據本書改按信陵嘗有為如姬復讎之事侯生欲緣其有
恩藉以求虎符也此文云云事實錯矣 北史救之救作
殺 是也也字脫據本書補 後魏書援之之字脫二十
餘里二十作而千曉達上衍時字並據本書補正 唐書
又曰度領師及賓從舊書作率賓從無領師及三字 田
希舊書希作布 交擊清本交作夾 又有義上當有讜
字 延樞延疑延誤 繁欽丘雋碑援甲有誤清本援作
授

擒獲

晉書載記風霧間衍震字據本書刪 三國典略又曰及
大及疑乃誤 閒諜諜作謀 偽山略陣四字無 歸伯
合家歸伯在招率上並據本書改補 尼恩暉尼上本書
有其妻二字 後周書又曰中山公山字脫 又沌口沌

作汙據本書改 唐書又秉鉞將軍秉作并今據舊書改
清本作并再按文獻通考職官部別有并鉞將軍則作并
爲是前校失矣

虜掠

後漢書又曰請之間衍上字 後周書遣岳遣作望 賊

便二字脫並據本書改補 隋書弄凍凍作棟據本書改

又景軍至景軍二字脫大破破作取並據本書改補

獻俘

梁書盈級盈疑羸誤 唐書又曰隋神器舊書作隋氏器

物

班師

後漢書可惜可作我 白虎通一時養一字脫時作物據
本書改補 春秋傳取邑下衍此字 何以閒衍謂字並

據本書刪正 六韜無故閒疑脫他字

文 罷兵

漢書作史記今改 爲度者也 字脫據本書補 魏志

輕敵二字又內患內字脫並據本書補

偃武

左傳兵之由之字脫據本書補 家語而治治當作藏本

書下有堯舜不共國而治一句此蓋脫藏以下七字 史

記廷宮本書同按蓋倒 又莊子見傷傷作侮 古司馬法

戍軍戍作武據本書改 注錯德有誤 淮南子輸於輸

字脫 壯上當有發字 紹一生本書紹作給 注繼

文王受命之業武王誅無道之功本書繼作言按武王上

脫立字也 說苑君之閒衍子字

羽書

太平御覽

舉議

三

漢書蕭曹今補重 晉書譙王承譙作隋據本書改

占候

孫子占兩右周有一誤 晉書載記夜夢夜字脫東為東
作人據本書改補 又元興元年下元字脫據本書補
又荀晞晞作師 顛奔走顛字脫今補 升平元年作承
和十四年據本書改 又升平二年七月六字中央二字
脫並據本書補 大犯以下九字脫 三國典略關水稍
長稍長二字脫據陳書補 六韜泥水通典泥作汜 不
廢廢作發通典作法 得時時字告凶告字脫並據通典
補 又二四凶二字疑衍 抱朴子朱道衡衡作衝今改
兵法秘訣乖離乖作坐以意改 土功上有脫文 玄
女兵法王威清本作主威疑成訛 又曰伍晉清本肯作
骨下同 以戰句上有脫文 其中中下有脫文 臣請

上當有肯日二字 又曰不法不疑之誤

徵應

王隱晉書不得有誤 晉書又曰時吳吳字脫據本書補
表請上當有字 又遣使詣山簡五字脫據本書補
宋書又曰蔭于蔭作陰據本書改 隋書又曰沙鉢略略
字脫涼州涼作源兩軍軍字脫突厥憚之上衍沙鉢二字
並據本書改正 唐書又曰廓清清本作清明 管子走
馬前疾走字誤入疾下據本書改 三國典略又曰周武
帝武字脫今補

神兵

唐書李兼清本兼作廉 鄂州刺史下當有狀若言字
董侍召清本侍召作待名 火滅滅作烈以意改 連狀
清本無狀字 三國典略大兵在在下有脫文清本在作

太平御覽

舉義

完

往 是誰上脫榮宗日三字
警備

戰國策又曰與山東之卒五字脫 又對宣王對下衍江
字 其實以下八字無今補 史記不見不字果至果字
左史左字脫並據通典補 又守堅本書堅字無 亞夫
壁本書同壁上當有堅字 漢書其死死作老據本書改
後漢書又曰乃居居作告據本書改 高京京恐臺誤
其文下疑有脫文 九州春秋慶也慶疑定誤 蜀志
俄爾勢成勢成倒據本書改 十六國春秋又曰千餘人
千作十 宋書齊高帝帝作祖據通典改 又則測則字
脫據本書補 三國典略武陵王陵作陸今改 後魏書
不得有誤 唐書自恃自作日 固險不出不作下出字
脫據通典改正 又曰置精兵精作積以意改

斥候

諸葛亮兵要明看看字脫據通典補 又曰擊五軍擊作
壁五作立並據通典改 仍令探更人探聽子細通典無
探更人三字 又相知通典同知疑有誤 面別面字脫
據通典補清本作別置 又地聽通典同聽字疑當重
又即便聞衍是字據通典刪

備邊

漢書為中周虎落中上行居字 又曰劬艾本書劬作創
一年尚未集合一作二據本書改 疾病本書病作疫
又班固論約結結作法 士馬物故物故二字脫 是
襲聞衍雖字 不窺不字脫 奮擊奮作當 侯應侯字
脫並據本書補正 單于威棄本書單上有至字文義始
完 懲而懲作德 唐書亦由由疑宜誤

塞險

左傳克吳吳字脫據本書補 戰國策書目非矣 漢書
溪谷水門谷字門字脫 稍稍平之四字脫並據本書補
又載記作後魏書今改 帥行行字脫據本書補 唐
書孟海公孟字脫今補

據要

戰國策書目非矣 後漢書閉城閉作闕據本書改 吳
志作魏志今改 諸軍軍字脫據本書補 梁史書目誤
矣 於陝越於上有脫文 唐書遂斬密以功五字脫據
本書補

絕糧道

漢書禦之亞夫四字脫據通典補 後漢書又曰迎糧運
糧字脫據本書改 於表表字有誤 烏巢烏作鳥 魏

志作蜀志今改

屯田

漢書又曰注浩音閭閭作闕據字書改 魏志又曰五里
置一營五里二字及上引河流河字脫並據晉書食貨志
補 晉書又曰皆已還返還字脫據本書補 後魏書蠲
其蠲作甄據本書改 北齊書又曰一子使一字脫據文
獻通考補 唐書又曰關內五十六萬五作三據舊書及
文獻通考改 王元長策秀才文茲多茲滋通

戍役

輜重

漢書天下明知禍烈及己也作故其禍及己據本書改
孫子之也也作地 注出其所必趣一句脫據魏武注補
後漢書又曰注鋹 林切清本 作祈據集韻當作知

戎車

文選電驚作雷驚今改

戰艦

後漢書注赤甲上行京字據本書刪 汴正沮切本書沮

作俱是也 南史侯景侯字無今補 唐書必常常作令

舊書改 通典又曰重列戰格格作敵本書同今照前文

改 又討會有計牀二字清本計作八尺今據本書刪

亭障

唐書又曰署隴州署作奏照舊書改 又楊朝晟朝作李

諸軍軍字脫並據舊書補改 又所應倒以意改 及緣

緣下疑脫邊字 為己為當得誤 其為邊患其字疑有

誤 又異蕃蕃作藩據舊書改

營壘

魏志規度閒衍謀字據本書刪 又曰婁子伯子字脫據

本書補 晉書又曰繫橋繫作擊據本書改 唐書不素

飽下行不飽二字 太公兵法湖泉湖當作枯 故敗故

下疑脫墟字 蜚鋒鋒疑蓬 太白陰經皆背皆字衍

是燧燧

東觀漢記夙賊夙字脫據後漢書補 後周書白獸烽獸

作戟 經為經作師並據本書改 黃帝出軍決法為客

清本客作容 衛公兵法又曰每三清本三作二通典同

放火通典火作一 火箭通典無箭字皆是也 二百

下當有騎字 庾闡揚都賊注吳郡下清本有南沙二字

徐敬業古意上有南一字今刪

左傳京觀注在淫慝下今改

太平御覽

舉講

卷

攻具

漢書二条出魚豢魏略条下今改 後漢書注東平王王
 字及信為天子四字脫 一王隱晉書又曰王處晉書處作
 據 後軍作後將軍韓據 晉起居注令董令作今 諸
 軍下有脫文 三十國春秋吳主作王今改 和苞漢
 趙記又曰尋汾間有脫文 前涼錄晉攻晉進也 車頻
 秦書飛雲車清本車作梯 孫嚴宋書攻具上有脫文
 太公六韜曰注鈇鉞鈇作鐵 文水文字疑衍不則大誤
 墨子又曰為雲梯為字釐等等字脫並據本書補 曹
 植征東賦循櫓循疑楯楯上有脫文 陳琳武軍賦序于
 三泉于作下以意改 三壚清本壚作墟按墟墟俱有誤
 通典又曰脗閒脗字脫據本書補 橫括本書括作檢
 下同 竿力竿字其車車字著地逐便逐便二字脫並據

本書補 又連轉本書無轉字 又今謂謂字脫 注即
 孫子即作則據本書改 又便騎本書作使人騎 又火
 滅滅作盛據本書改 又乃自按下行有自字此依致行
 太白陰經鑿城有誤脫

槍

魏武本紀說文八字大書今改為注

鹿角

漢晉陽秋爽不爽字脫以意補 王曠與揚州論討陳敏
 計又云按據復字皆字此文與上条一節又云二字衍但
 橫江下有闕文則不可知 辛嗣賤今下官今當令誤
 襲營間疑脫有字

箠搶

杜預奏秦州軍事錯平平疑互誤 蔡謨與何驃騎書具

之具疑見訛

弋

太公六韜長三丈千三百清本作三丈三尺脫長字本書作長三尺以上三百枚

幽明錄角聲下有誤脫世說親客親作數據本書改

壁上倒樂意意作而並據晉書改語林警角警作驚以意改

晉及後軍聞聲急須向前赴十二字脫據通典補又曰前有賊前頭用後有賊迴捍十一字脫據通典補

金鼓

釋名校號本書同按校鼓訛說苑作國語今改周髀

執鉦鉦作銅據周禮疏改呂氏春秋戎寇當至幽王擊

鼓諸王之兵皆至十四字脫據本書補徐幹齊都賦皓

旸旸作肝以意改

左傳錫鑿錫作揚今改

玉隱晉書得趙之牛鐸得字脫據晉書補

漢舊儀中宮宮疑宮訛五夜衝衝疑更誤

東觀漢記又曰甲衝朝甲下脫循若胃字

字脫三國典略綸清本

並誤淮南子鎔磨本書作羽旄無注

同據本書改本書無牛羊二字蓋衍

又曰注金匱本書

六本印覽

舉議

三

無置字疑贖誤書為矢注本書作治箭之筭柱者也本鹽
鐵論奮臂奮作畜據本書改非抱朴子不長長作皆縫
緝錐鎖緝字脫錐鑽作佳饌以擊以字脫並據本書補
正又燕軍本書軍作君西王母作西毒又三千歲千
字脫所持持作將並據本書補正校獵賦脩旃間衍
循字今刪太白陰經口口故清本作兵書曰又十二
軍軍字脫今補又出六間當有居字又圖禽通典下
有獸字下条同又認旗旗字脫據通典補又恐設恐
疑當供若備訛下棉条同又揚兵有誤

牙

真人水鏡經見堅清本見作先按疑當作完竿軍竿疑
將誤吳志出谷本書出作山宋鄭鮮之祭牙文義鋒
鋒作絳今改

釋名常明明作名據本書改國語赤旛旛作旗今改

旛

釋名以一本書無一字

旛

爾雅注以帛練為旛帛作白旛作疏今改羽獵賦作上
林賦今改

物

禮含文嘉為科清本為作自左傳注挾轅轅字脫今補

旗

釋名旗期旗字脫今補周禮又曰弧旌弧作旛隋書
注姓名之之字疑衍之例例疑側訛楚辭又曰從文
上行狐字辛夷辛作新桂旗上行旌字並據本書改補

旒

爾雅注全剥本書全作合於旒旒作縿 鳥獸希革獸作戰希作目今並改正

旒

釋名旒兆旒字脫今補 爾雅緇廣緇作績

旒

釋名爲旒旒猶隕也二旒字俱作旒今據本書改按旒旒通然據注一作旒舊本作旒可知隕作隕隕本書作滑字書無隕字蓋隕之訛隕順貌則與順滑貌合故今定作隕一字 周禮所載載作進據本書改

旒

釋名精也有三字脫據本書補 公羊注祀宗廟祀字脫執宗廟器者示以宗廟不血食自歸也作爲宗廟所用求

以宗廟歸首也據本書補正 漢武故事數百下衍人字

幟

後漢書延岑岑作牙今改

幟

崔豹古今注作麟角按此下麟鳳龜龍與宮商角徵羽等字配在書名處者蓋皆一時撰輯假作之目以爲紀號耳繕寫者既不及改遂又併佚書名也今皆訂正 晉書又曰春秋之失本書同句疑有脫誤 又又投弓又長沙王也 宋書異勅本書異作墨 晉起居注生丞下清本丞字重似是但上文作承承丞有一誤中貴中亦誤太陽佐伺承有既不可解今皆姑仍舊 鍾離意別傳白督郵白字有誤 因出倒 朝大疑倒指縣廷爲大朝他書亦見焉蓋漢時之通言 唯疑雖 自裁上疑脫不字

旒

周禮条下有又曰全羽為旒六字誤也今刪

漢書注故加故字脫據本書補一洛神賦桂旗旗作旌

陶公故事

金鑿鐸字闕諸葛亮與瑾書到所督到疑至

麾

華陽國志曹公公作公曹脫公字據本書補正軍令麾

幢

兵書大將下有脫文

鉞

晉書又吳魏二字脫據本書補

劍

周禮冬官冬作周以意補注鐔以上鐔字脫據本書補

左傳又子期之子期以下脫據本書補戰國策當敵

於甲盾耳本書作當敵即斬堅甲盾鞮鞞云云史記又

日與乃倒楚王乃定從楚王作諸侯據本書改又借

劍閒衍錯字又荆卿荆作軻據本書改漢書又使越

越字脫據本書補又與相荅三字脫據本書補又施

易作亦以音誤也據本書改獨下清本有留字又注劍

室室字脫據本書補後漢書寶劍寶作寵注鍛成鍛

作鏗並據本書改東觀漢記名都王名都脫據皇玉部

所出補又艾綬綬作授以意改晉書又閑宴宴作晏

今改小梁書漫若雌雄有誤吳越春秋此条文與今越

絕書小異大同如本書則大不同疑是書目誤 赤堇堇
作董 盈河二字脫據本書補越絕書盈作竭 又於王
二字脫據本書補 卽捷捷當作接 又掬爪爪作指據
本書改 越絕書寡人上有此二人三字本書下有數句
既略焉則此三字無謂故刪 先賢傳儀小吏儀字有誤
持劔侍侍下衍臣字 南記南上脫漢字 賞賜賜字
當重 先賢行狀彦考清本考作方後漢書同注云魏志
烈字彦考 懼聞聞疑烈誤 雷煥別傳少時少字脫據
晉書補 何復何作己今改 微發微字有誤 說苑又
曰然能然作焉本書無焉字按文勢宜有然字故改 刀
劔錄字高密本書作于帝啓 又太康太作少少康非啓
子故改 方面清本無方字 又四十年本書作三十一
年 又殷太甲殷字脫 又銘曰鎮方岳銘曰二字脫鎮

方岳本書作鎮兵尙方 又五十二年十二脫 銘曰誠
誠作誠 又定秦下衍李斯二字據本書刪 六尺本書
作三尺六寸 又三尺三寸本書上三作六 刻龜二字
玄武武字並脫 又本始本作太 有毛有字脫據本書
補 又平帝衍衍作衍今改 又威糾本書糾作斗 又
有爪爪字脫 引之投水本書作沒而復出 又阿理本
書作高阿 又太平眞君作至眞君本書同今改 又劔
洞術本書無洞字 合合清本上合作令 日上上作止
而無以爲之十三字 又爲紉紉作紐下同 又仕以仕
當任訛 注侯之之字脫據本書補 山海經又注注字
脫今補 晉東宮舊事玉頭劔玉作三 十州記光明照
龍魚河圖照下有洞字 神仙傳其驗矣其字有誤 豫

章記吳平吳字脫據晉書補 今聞上當有華曰等字
古字下有脫文 搜神記又將己倒以意改 異苑孔子
展上所出晉書展作履所傳各異也 莊子俠門本書俠
作夾音義通 借往借作皆以意改本書作俱 統以本
書統作繞 列子不請馬馬作爲 不知有有字脫並據
本書改補 騶音休藥本書注出二音一呼麥反一竹璧
反休藥疑竹璧反之訛 按虛本書接作投 露我露作
覆 遇我於門我字脫遇作過並據本書改補 又以數
清本數作技本書同 管子葛盧閒衍大字 吳子又觸
碎觸字有誤 燕丹子搵其搵作榘據史記改 琴聲琴
字脫據史記注補 注文司徒狀拜二六字不知何語清
本拜作年 亢倉子封穫封疑剖 沸渭渭疑湧

刀

春秋繁露刀上有禮之所爲興也一句今刪 後漢書瑊
阜清本瑊作瑊 阜下注音皂二字清本無按皂阜俗字
今刪 東觀漢記又曰金對清本對作剛 又皆持鹵皆
上當有士卒等字 又乘聖聖下疑脫上字 吳書權命
二字脫據吳志注補 王隱晉書益露上疑脫謀字 定
議倒照晉書改 陸機晉書刺史二字闕 晉中興書又
曰五斗米五作北米作之 又有路人爲取者有字者字
脫據晉書補 驚汲驚字有誤 載記又柔邇邇作逋本
書同以意改 北齊書三十札耳三十脫據本書補 林
邑記爲石石字以意補 楊泉物理論其人人疑當作神
來向而清本而作神 列仙傳漢順帝時字今補 名
之名字有誤 列異傳以刀上脫授與等字 錄異傳取
所倒今改 廬江七賢傳到舒下衍州字 不覽鄉鄉作

城今改 吳時外國傳汗露清木汗作汁 蒲元傳曰言
清本日作白按曰字衍 不雜雜字以意補 費禕別傳
來顧來疑脊訛 刀劔錄如木本書木作泥 又郭維維
作璞 又因不見因下衍之字據本書刪 又太山本書
作陳太丘 冷凄本書無冷字蓋衍 又拜大拜字脫
又爲偏將軍爲在軍下令改 又少受受作愛 又殺強
二字脫據本書補 又盡失失作生據本書改 又五百
金百字脫據本書補 又石氏閒衍勒字據本書刪 又
玄明玄作云今改 又克位本書無此二字 曹植寶刀
賦龍首有誤 王祭刀銘制茲作法 裴景聲銘文繁
繁字有誤 張協銘曜德德作得今改 魏武策軍令何
苦清本苦作害 謝尚與楊征南書曰云二字有一誤
匕首

史記擿秦王擿作摘今改 零陵先賢傳主人上有脫文
或是設字 諸葛亮教部仲仲疑中 拾遺記有銘銘作
名 爲天子爲字爲戲辭爲字鑄鐵鐵字脫 歛鏐歛作
劍 靈金藏金作禽並據本書改

史記注大書今改一字當作亦 短鋏銘先朝作光明先
朝謂先帝之朝也

釋名附撫也 附作跗據本書改下同 說文胡尸國本書
作胡休多國 尙書旅失百百作千 詩又注解轡紛三
字脫據本書補 周禮又夜射之本書夜字無 左傳又
曰皆取閒衍分字今刪 春秋佐助期之神閒行張字
史記又曰素屈盧清本素作秦本書作缺越絕書作領

魏要略太子魏志注作天子 怒奪怒當作恐 王隱晉書之日日作日以意改 國語又曰更盈鳥部引春秋後語作更羸脉此國語是春秋後語之誤 遙弓遙字有誤 吳時外國傳通度通疑遂誤 因王王作至以意改 列女傳注筋□清本□作絕 洞林卦之下有脫文 杜夷幽求者之倒 譙子法訓足以謹地句有誤 劉邵趙都賦都作郡今改 晉稽含木弓銘走括走字有誤 弩

尚書帝命驗注兵精主下有脫文 之妾妾作妻以意改 史記又注蠻夷夷作之柘弩柘字脫善材材作財並據本書改 晉陽秋事未可知事字脫據魏志注世語補又捶擗擗識也捶字有誤或是建字晉書作立標 尉繚子檇木本書檇作總 風俗通臧仲英作臧文仲今改

教射經揅手六書故揅鉤袂出臂也 東觀漢記煮履疑有誤 暨豔集雜移懇傷懇疑惑

箭

開元文字三鎌鎌與鎌同 楊雄方言其廣長而簿鎌作其廣簿而長簿據本書改 書顧命曰下有周成王崩四字今刪 左傳又繇鞫鞫作胸今改 國語又集于集字脫其長其作矢據隼部所出補正 東觀漢記又曰殺後王殺作離 其中倒並據後漢書改 魏略箭墜舟部所出無此二字魏志注亦同蓋衍文 晉書桓玄達枚回洲玄字洲字脫今補 佑之毛璩從弟也 隋書作又曰今改 太公金匱癸亥當作壬癸 博物志膨脹膨作胼據本書改清本作胼 者偏偏下有脫文 列子來注來作未而瞬而字脫並據本書改補本書瞬作睚 韓子以荻

荻作菽音狄狄作秋今改 亢倉子注竹幹竹作以以意
改 陳琳武庫賦籥族有誤 吳都賦籥音吟字書有力尋
梨鍼等切並不得吟聲音吟有誤

箭筒

釋名之義作用之據本書改 說文蘭清本作欄

彈

開元文字之謂下有脫文 崔鴻西秦錄霄觀霄作霄按
上疑脫一字 韓詩外傳亦然本書下有數句刪略不成
文義 幽明錄郡後郡治後也 人問句有誤 莊子感
周之類一句脫 捐彈而反走作指彈而射之 訊本書
作諄通 潛夫論不傳傳作傳本書同以意改 窮鳥賦
繳矢繳疑激訛 相玄南林彈詩應心應疑膺訛 李尤
彈銘趨如如字有誤或是以字

戈

書又注相毛上有二臣二字今刪 周禮又大喪先柩四
字脫今補 左傳出亡二字今補 又日子南美四字脫
今補 呂氏春秋注附郭二字及立矢立字脫據本書補
弊盡本書盡字無蓋衍 淮南子又注平王平字子期
子字魯縣縣字並脫今補 皆稱曰公曰公倒今改 魯
陽下行公字今刪 搜神記王子喬王字脫喬作高今改
補 堂上行勇毅清本毅作義

戟

釋名刺擣擣字則制之則字脫並據本書補 漢書又曰
鉏擾棘矜云云此条在下卷孫卿子下今改移於此 張
澄漢南記稱警警作驚今改 魏志又曰入輒入字脫據
本書補 王沈魏書濮陽陽字脫據魏志補 魏略突而

突塗通 張勃吳錄白削清本創作刃吳志注同 王隱
晉書子皆墜子字以意補 齊書官高湖清本作宮亭湖
是也 英雄記因陳登因作白據魏志改 漢官解詁注
郎閣當兵並有誤 蕭廣濟孝子傳叩頭上當有父字
東宮舊事十幡幡番通 風土記又注取威威疑義誤
交軛有誤 新序虎會虎作席據諫諍部所出改 爲人
臣三字據本書補 繁欽撰征賦征上有脫文 左騎騎
字有誤 孫盛奏事角弩力清本力作弓 李尤戟銘鼓
戟鼓疑鉞誤

及

釋名挫陟栗切栗作降清本作格皆誤今據字書改 周
禮尋有二字脫今補 左傳又來奔作奔齊今改 韓子
茅門茅作弟據本書改 魏文帝詩飢戈飢作釃 六韜

方曾曾作凶 鐵又清本又作文

矛

釋名又撥矛撥作務清本作杓據本書改撥杓竝與務同
書又一人上有門之內三字今刪 大戴禮造矛二字
脫少間間作聞據本書改補 吳書請在請作謂據吳志
注改 趙書文馬文字脫今補 異苑辟强辟作壁以意
改 夢書止也作上屯 秦女休行始出仇讎部所出同
始疑步誤 張興與崔子真書殺羊楯部殺作咎 錐鏃
錄作鈇據楯部所出改

槩

通俗文稍色角切與槩音義同 鄴城故事□連清本□
作是 馬槩譜序鄧蔗謂魏文帝與鄧展執所食甘蔗以
試刀法相馬前条語林所云卽是縈魏縈字有誤 鏤衢

衛當銜誤

槍

唐書年始倒 澠水澠作澠據新書改 又於城中於作
以據舊書改 逐虜虜字脫據新書補 又無敢與三字
脫據舊書補 上肚之上字以意補

鈎鑲

釋名推鑲上在推鈎二字據本書改 東觀漢記又曰玉
玦下有脫文 漢名臣奏帶入房帶下有脫文 搜神記
傳鈎鈎作錫據鳩部所出改 吳越春秋王乃舉衆鈎五
字脫

甲

左傳又曰太子至黜己十一字作成王欲黜太子商臣今
改 又多孿多字脫今補 又注介甲甲字脫介入本文

清本二字無今據杜注改補 又注練爲練字卑者卑字
脫並據本書疏補 又于尙夫也南作美也字脫今改補

又信讒費無極譜五字脫據本書補 又顧曰爲私誓

州綽曰有如日十一字脫據本書補 戰國策益趙趙作
起據本書改 必之間衍是字 後漢書狂勃悖通

弓弩不可施兜鍪部所出施作施施通 東觀漢記發
騎發作教據後漢書注改 又徐宣字脫今補 二十

餘萬人後漢書無萬字 魏末傳七百七字脫據魏志注
補 崔鴻後燕錄皆勸上有脫文 隋書大戲開衍獻字

據本書刪 陳琳武庫賦震推清本推作旅推疑椎 孔
融宣刑論益領領疑當作下文多領字因以致誤

兜鍪

左傳又曰外臣至至字脫今補 後漢書不先不字有誤

太平御覽

舉議

三

六平從賢
璜斬璜字脫今補 東觀漢記軍陳疑倒 吳志慈得
策兜整慈策錯今改 吳曆東關過過場通以土障水也
沉約宋書絳衲衲作納今改 兩當被被古得切決戰
部被作衫 亦去去字脫據決戰部補 咆哮決戰部哮
作嘯嘯與勃通咆勃怒貌 王琰宋書會伯紹伯字今
補 晉四王起事髮毳作焦茸據鷓部八王故事改 抱
朴子扞刃之之字衍 陶侃荅溫嶠書意謂句有誤 其
名下疑脫一句
楯 釋名夾矛盾本書夾字無 左傳作又今改 漢書連于
清本干作汗本書同 謝承後漢書又曰山甫清本山作
子 東觀漢記于康後漢書康作慶 魏志重衣重字脫
撩戰戰作戟並據本書補 王隱晉書內徙徙作涉據

晉書改 干寶晉記 三萬清本作一二萬 南史齊高
帝高帝二字脫據本書補 何妨妨作防以意改清本作
何以哉本書作何有哉 博物志上先問疑脫賜字 張
奐與崔子真書注古咎切咎作咎以意改

銜枚 梁祚魏國統魏字脫今補

楮

魏志烈與烈字脫今補 虞溥江表傳殺布殺作報以意
改 六韜方胥本書胥作首 晉宣帝教可守有誤

鞞

漢書當死下行者字 東觀漢記坐鞞旃毳 上旃毳同
毳毳毛席也 又諸謀謀下常有叛若己字 季次元清
本季作李 被馬被有誤 魏志並棹本書同並字可疑

魏略繫忠倒 三轉汝錄鏤衢鞍富部無衢字 五千
千作十據富部改 傅玄馬射賦文勒勒作防 景明朗
作服 華鞞鞞作鞞並據羈部改鞞音冗鞍彘飾字書無
鞞字 曹植表効此清本効効

鞞

陳琳武庫賦斯遊則止依韻遊止疑錯 歛鞍歛字有誤
或是緩若放字 閔鴻與劉子雅書能控控鞞通

勒

淮南子注不穀食食肉酪而已作不穀日不穀食害酪而
已據本書改正 魏文帝馬腦勒賦文繁疑倒

鏹

鹽鐵論攻成本書攻作鏹 又珥斬斬作勒 張協玄武
館賦順行行作時 七繹轆駕清本轆作馭 九愍清本

愍作愍義同 相温書羈落落絡通 力用力字有誤

羈

分目羈下注肌字今刪 漢書注突惡之馬惡字脫據本
書補本書無之字 東觀漢記席薦清本薦作羈 貴不
侵貴下疑脫賤字 吳時外國傳失鞞鞞蓋謂死也 傅
玄馳射馬賦鞍部作馬射

鞞

隋書禡耳禡與帽帙同裏頭也

障泥

王隱晉書呼魄魄疑魂誤

鞞

漢書又曰兩馬二字盛之二字脫並據本書補 張勃吳
錄謂曰日作言據鞍部吳志改 江表傳橋南橋字今補

干寶晉記肯避避疑就 崔鴻前秦錄教爲爲字有誤
任知知作之 異苑可一行清本上可作何 受時
清本時作之 幽明錄韓畧清本畧作咎 淮南子鉗且
且作具 車莫上行軍字

柳

蜀志入縛閒衍縛字據本書刪 華陽國志建寧郡下有
同瀨縣三字考本書同瀨縣別是一條與此無關故刪
蕭子雲晉史草姚子略子字脫今補子略姚興字也

補遺

敘兵 春秋元命苞注年文年疑手 將帥 戰國策許
之諾清本之字無按之諾倒 慕容德載記不移朔清本
朔作期是也 良將 後周書又曰沙苑之後後役之訛

東州閒脫雍字 撫土 唐書又曰晟必同勞苦舊書必
作亦是也 機略 漢書又曰王莽未又當作後漢書
料敵 孫子小林清本小作山注作山林者山字闕據清
本補也 用閒 後魏書擊吳吳謂蓋吳也 務速 十
六國春秋又曰無復餘也晉書載記同也疑地訛 示強
後漢書又曰武郡太守郡都之訛 征伐 古司馬兵
法注內外外字衍 唐書又曰左金吾衛郎將郎上當有
中字 占候 唐書趙郡王恭恭上當補孝字 漕運
孫子兵車兵疑丘訛 鹿角 魏志鹿角十里里本書作
重 弩 史記又阨於冒頓平城按當阨冒頓於平城

兵部覆校舉謬
敘兵 漢書又入其城域誤城 又矛鋌鋌誤鋌 淮南
子又注無收收誤收 又注木予矛誤予 新序以疆疆
誤疆 將帥 戰國策七大夫士誤七 漢書齊王傳給
琅給誤給 晉書客貌容誤客 司馬兵法又注無眾與
誤無 孫子又汜地圯誤汜 分目將帥帥下脫下字
淮南子白凝自誤白 相範要集棄木本誤木 命將
淮南子注以喪禮處之處字誤入喪上 老將 東漢觀
記據安鞍安字衍 後漢書魏誤漢 凶堅豎誤堅 隋
書又賀苦誼若誤苦 良將 漢書谷永傳持進特誤持
晉書又符堅符誤符 又羊祐傳戈陽弋誤戈 疆揚
場開場之誤揚場 又反為將及誤反 後周書出往征
誤往 又茶祐蔡誤茶 又銜卷卷誤卷 周惠遠達誤

兵部覆校舉謬

敘兵 漢書又入其城域誤城 又矛鋌鋌誤鋌 淮南
子又注無收收誤收 又注木予矛誤予 新序以疆疆
誤疆 將帥 戰國策七大夫士誤七 漢書齊王傳給
琅給誤給 晉書客貌容誤客 司馬兵法又注無眾與
誤無 孫子又汜地圯誤汜 分目將帥帥下脫下字
淮南子白凝自誤白 相範要集棄木本誤木 命將
淮南子注以喪禮處之處字誤入喪上 老將 東漢觀
記據安鞍安字衍 後漢書魏誤漢 凶堅豎誤堅 隋
書又賀苦誼若誤苦 良將 漢書谷永傳持進特誤持
晉書又符堅符誤符 又羊祐傳戈陽弋誤戈 疆揚
場開場之誤揚場 又反為將及誤反 後周書出往征
誤往 又茶祐蔡誤茶 又銜卷卷誤卷 周惠遠達誤

遠 又置于于誤于 唐書又薛仁果果誤果 又撫其
皆背誤皆 又令以殿廷以字衍 又環視環誤環 儒
將 後漢書又賈後復誤後 鄧禹禹誤禹 唐書又西
笑厥突誤笑 又往淮西征誤往 烏窮鳥誤烏 邊將
史記又市祖租誤祖 後漢書注故淤於誤淤 南于
閒脫軍字 又注朱崔崖誤崖 謝承後漢書手畫畫誤
畫 後魏書蠻首酋誤首 信義 左傳又食邑色誤邑
吳志孫皓皎誤皓下同 唐書又達且且誤且 莊于
子誤于 撫土 孫子注任獨倒 後周書魏橋渭誤魏
唐書又曾討會誤會 浩朝詰誤浩 又惑悅感誤惑
淮南子以其共誤其以上脫所字 又鍾竿竿誤竿
機略 左傳又二軍三誤二 又郟湊湊誤湊 注所師
帥誤師 史記又是迂遷誤迂 漢書又注攻宛攻上脫

不字 又少傳傳誤傳 又待且且誤且 又衡突衡誤
衡 又走敗之之字衍走敗倒 魏志又明日引誤明
吳志又下容刀不誤下 晉書又彼師老自出退誤出
十六國春秋又火拒炬誤拒 又徐侯侯誤侯 南史研
營斫誤研下同 又僧珍僧誤僧 梁書又南代伐誤代
銜杖枚誤杖 摛仲禮摛誤摛 比史北誤北 竟飲
競誤竟 後魏書又筭路略誤路 今賦賊誤賦 涉卒
步誤涉 又傳永傳誤傳 又代北狄伐誤代 三國典
略摛之擒誤摛 後周書又相日相下脫謂字 通典又
從此道北誤此 又戰於淮曲渭誤淮 又但宣宜誤宣
隋書又高穎穎誤穎下同 又卽密入火入縱誤密入
唐書又深犬餘丈誤犬 又負其兵力負誤負 又燒
而燒下脫營字 又榛棗棘誤棗 料敵 左傳又注追

退速誤追 又合顧各誤合 通典又注為之違誤為
又土眾士誤土 又注吳下不誤下 十六國春秋城阜
成誤城下同 宋書慕容起超誤起 唐書又兩冠寇誤
寇 漢晉春秋黥布上脫為字 孫子注要的約誤的
用閒 戰國策又日緩緩字誤入來字下 通典又請祖
琕謂誤請 衛公兵法慰諭論誤論 示緩 通典又矢
石矢誤失 又萬俟万誤萬 諸單軍誤單 先進元誤
先 請所諸誤請 務速 孫子工之久功誤工 左傳
又謂常上脫子字 通典又宣王自日誤自 示弱 孫
子又注也東出誤也 戰國策趣入輒誤趣 隋書又王
世充充誤充 示強 左傳又注百僕濮誤僕 後漢書
又謂日日誤日 避銳 孫子能而而字衍 通典徐道
獲覆誤獲 安眾 後漢書天端瑞誤端 世說閒之閒

誤閒 法令 後漢書先武光誤先 唐書又麋散糜誤
麋 訓兵 孫子閒亂而闕誤閒 唐書軒陸陸誤陸
又兵衛衝誤衛 軍制 淮南子注不給給誤給 穰苴
兵法十五為隊伍誤五 偏將 晉書又四日司中司上
脫司祿二字 練士 長短經注諭兵馬論誤諭 翼四
人翼上脫羽字 注名曰勇力之也士誤也 將快快誤
快 兵眾 二十國春秋三誤二 後魏書宮氏志官誤
官 隊伍 太白陰經隊問閒誤問 卒 晉書又如意
上脫以字 又未可惻惻誤惻 謝靈運詩應場場誤場
陣 荆州記聘望騁誤聘 六韜奈何奈誤奈 太白
陰經又天陣本文誤入注 鄉導 孫子注卿人鄉誤卿
征伐 左傳又以射之下脫卒字 公羊脩音鹿麓誤
鹿 比史北誤比 三國典略馬仗仗誤仗 後周書寶

恭泰誤恭 國語又何法有誤何 請征伐 後漢書注
攬鑠夔哉攬夔誤置 出師 三國典略刺史誤吏
軍行 後魏書請粟磾謂誤請 誓衆 書又嗚呼嗚誤
鳴 又戈弟矛誤弟 犒師 左傳又且吳且誤且 後
漢書耆諸老者諸倒 戰 左傳又莒子子上脫莒字
又注旣杞植卽誤旣 又霄遁霄誤霄 十六國春秋呂
先光誤先 諸諸誤重 通典尉遲迴迴誤迴 人武德
入誤人 唐書又中肩眉誤肩 三國典略黃瓜堆瓜誤
爪 挑戰 孫子道也上脫之字 決戰 六韜送後迭
誤送 後漢書又注壞臺壞誤壞 載記又在軍誤倒
宋略虜寇寇誤寇 高祖記紀誤記 唐書又其徒徒誤
徒 三國典略若戰苦誤若 孫子霆雷誤倒 注則則
誤重 吳氏春秋又注孤持特誤持 辨亡論蓬龍龍誤

龍 追奔 唐書又以以誤重 史記討莫討誤討 晉
書又曰上又誤曰 掩襲 左傳又注可不誤倒 晉書
於此是誤此 王隱晉書不如知誤如 後魏書無鄧此
誤無 隋書自行日誤自 又沙鋒鉢誤鋒 唐書又兩
雪雨誤兩 攻圍 左傳又注膊礫礫誤礫 後漢書又
破忠之忠之倒 拒守 後周書首瓦尾誤瓦 又湘川
州誤川 唐書又滑汴誤倒 進衆圍誤衆 三國典略
又親見誤倒 火攻 陳書透水者者上脫死字 通典
又昔服音誤昔 水攻 太白陰經又數十下脫里字
勝 孫子又深澗閒誤澗 又注狐虛狐誤狐 呂氏
春秋又搏飯搏誤搏 敗 史記又三戰倒 宋書赭折
圻誤折 唐書又哥翰閒脫舒字 三國典略又塞旗塞
誤塞 降 唐書又合所向誤合 奉妓奏誤奉 詐降

史記西者者誤者 後魏書萬俟萬誤萬注同 擒獲
三十六國春秋刻裕劉誤刻 唐書又歸衣錦誤歸
虜掠 十六國春秋資賊財誤賊 又三國典略祖身祖誤
祖 後周書萬俟萬誤萬 獻俘 左傳注援數授誤援
又亦狄甲氏赤誤亦氏誤氏 唐書又張璞瑾誤璞下
同 又李光類顏誤類 罷兵 漢書廣常帝谿武常誤
常帝 漢書賈指之捐誤指 監鐵鹽誤監 快心快誤
快 蠢示爾誤示 偃武 淮南子注秦山泰誤秦下同
羽書 漢書蕭曹恐恐字誤入蕭上 梁後略又掉艦
棹誤掉 徵應 管子比征北誤比 吳越春秋弓弓誤
重 警備 戰國策又昭恤閒脫奚字 後漢書又斤去
斤誤斤 皆為習誤皆 晉書就弟第誤弟 唐書又安
廟宗誤安 備邊 漢書陽陰倒 遷徒徙誤徒 又于

咸于上脫單字 安其其字衍 後漢書又鳴候塢誤陽
又載記已平州州上脫并字 唐書城阜成誤城 據
要 後漢書注忸丑尼誤忸 屯田 漢書又士費亡誤
士 戎車 古司馬兵法注設准准誤准 戰艦 通典
又幟幟上幟幟誤 亭障 唐書又有差差誤差 攻具
前涼錄抱攻罕誤攻 梁書短尾雉誤短 隋書屯衝
衛誤衝 通典鈞竿鈞誤鈞 鈞搭同 鹿角 魏略子牛
午誤牛 諸葛亮教力斧刀誤力 金鼓 東觀漢記穎
乘穎誤穎 刁斗 漢書注擊特特誤特 譙音鑿誤譙
旂 詩韓侯侯誤侯 周禮交為龍旂為龍倒 旂
又日以旂招庶人舊作孟子曰招庶人以旂也 依舊為是
改者誤也 旗 王孫子頭懸赤赤下脫旗字 朱玉宋
誤朱 旒 釋名注一作旒三字脫 幡 比史北誤比

鉞 古今注玄鉞誤鉞 劍 鹽鐵論之鋌鋌誤鋌
世說又不直可誤不 刀 續漢書標口下脫之字
傅咸奏事目日誤目 博物志西域誤城 物理論庾
辛庚誤庚 古詩報之下脫雙瓊瑤三字 何晏銘徒搏
徒誤徒 弓 東觀漢記又字巨卿字誤字 外國傳射
神弓舉誤射 韓楊天子要集文誤子 弩 史記龐涓
涓誤涓 自勁到誤勁 又於阨倒 晉書姿容姿誤姿
又且將旦誤且 又徒之徒誤徒 晉陽秋帳下帳誤
帳 吳越春秋所越起誤越 箭 山居賦賦誤賦 後
魏書等奉奏誤奉 又庾信傳云云誤重 異苑長二丈
三誤二 魯連千數月數誤數 亢倉子注鵬鴉誤鴉
射捍 括地圖俱鳴鳴誤鳴 擯去捐誤捐 西秦錄
幸進辛誤幸 韓詩外傳殆而上脫不字 莊子怵然怵

誤怵 戈 書矛其予誤矛 左傳又注交衝倒 又以
代伐誤代 及 司馬兵法迭載戰誤載 矛 方言斨
音敵敵誤敵 槩 續晉陽秋續誤續 傳玄歌詩傳誤
傳 槍 唐書容兒見誤兒 鈎 夢書帶鈎倒 魏文
帝答劉備書他已既誤已 甲 戰國策不蓋益誤蓋
孫卿子鮫韋革誤韋 說苑舊載奮誤奮 崔寔政論鑑
今倒 兜鍪 後漢書斬之徇徇上脫以字 楯 張敞
晉東宮舊事做誤做 楛 沉約宋書或有或誤或 晉
宣帝教諸圍圍字倒 鞭 三十國春秋塵尾塵誤塵
謝氏鬼神列傳起借超誤起

爭奪舍禮何以治之

又曰飲食男女人之大欲存焉死亡貧苦人之大惡存焉故欲惡者心之大端也人藏其心不可測度也美惡皆在其心不見其色也欲一以窮之舍禮何以哉故人者其天地之德陰陽之交鬼神會五行之秀氣也故人者天地之心也五行之端也食味別聲被色而生者也此言兼氣性之効也又樂記曰人生而靜天之性也感於物而動性之欲也物至知知然後好惡形焉

左傳昭二年鄭子產曰人生始化曰魄魄形既生魄陽曰

魂陽神用物精多則魂魄彊物權勢是以有精爽至于神明爽明也

春秋元命苞曰五氣之精交聚相加以迎陽道故人致和五氣五行之氣○又曰陰陽之性以一起人副天道故生一子

又曰天人同度正法相授天垂文象人行其事謂之教教之為言效也上為下效道之始也

又曰仁者情志好生愛人故其為仁以人其立字二人為仁仁二人言不專於己念施與也

又曰聖人一其德智者循其轍長生久視一其德言盡得循其轍言不違其帝所尚也知是則皆得長生久視言所行當天地不以命制則愚者悖慢智者無所施其術殘物逆道天不殺故立三命以垂策所以尊天一節三者法三道之術不以命制愚慢之人則賢智道術不得施行勢相反

命者天之令也所受於帝行正不過得壽命壽命正命也起九九八十一帝天帝也八十一陽氣相乘之極有隨命隨命者隨行為命也援神契曰隨者虐天道常善之行則隨其暴逆行以教之有遭命遭命者行正不誤逢世殘賊君上逆亂辜咎下流火譴並發陰陽散忤暴氣雷至滅日動地天絕人命沙鹿襲邑是也忤錯也襲猶淪也河水淪

沙鹿之邑

春秋孔演圖曰正氣為帝間氣為臣官商為姓秀氣為人

正氣謂若木人則得蒼龍之形靈威仰之氣火人得朱鳥

星以生若蕭何感昂精樊噲

又繁露曰唯人獨偶天地人有三百六十節偶天之數形

體骨肉偶地之厚上有耳目聰明日月之象也體有空竅

理脉川谷之象也心有哀樂喜怒神氣之類也故小節三

百六十六副日數也大節十二分副月數也內有五藏副

五行數也外有四辰副四時數也乍視乍瞑副晝夜也乍

柔乍剛副冬夏也乍哀乍樂副陰陽也

樂動聲儀曰中元者人氣也氣以定萬物通於四時者也

爾雅曰太平之人仁東至日所出為太平丹穴之人智距齊州以南

太蒙之人信西至日所入為太蒙崆峒之人武

崆峒之人武

孝經曰天地之性人為貴人之行莫大於孝

家語曰魯哀公問於孔子曰人之命與性何謂也孔子對

曰分於道謂之命始得為人故下句形於一謂之性各

受陰陽剛柔之性故形於一化於陰陽象形而發謂之生化窮數盡謂

之死故命者性之始也死者生之終也有始則必有終矣

人始生而不具者有五焉曰無見不能食不能行不能言

不能化及生三月而微煦煦晴也然後有見八月生齒然後

能食朞而生臙然後能行三年顛合然後能言十有六而

精通然後能化陰窮反陽故陰以陽變陽窮反陰故陽以

陰化是以男子八月生齒八歲而亂十有六而化女子七

月生齒七歲而亂十有四而化一陰一陽奇偶相配陽數

數然後道合化成性命之端形於此也

又曰堅土之人剛弱土之人柔墟土之人大沙土之人細

息土之人美垤土之人醜垤耗字也息土細保蟲三百六十而人為之長

又曰孔子遊太山見榮啓期鹿裘帶索鼓琴而歌孔子問曰先生所以為樂者何也對曰吾樂甚多天生萬物唯人為貴而吾得為人是一樂男尊女卑吾得為男是二樂人生有不見日月不免緼裸者吾已行年九十是三樂也貧者士之常死者人之終處常得終當何憂哉

又曰人有五儀有庸人有士人有君子有賢人有聖人審此五者則理道畢矣

漢書曰司馬遷曰凡人所以生者神也所託者形也神大用則竭形大勞則弊神離則死死不可復生離者不可復返故聖人重之
鬻子曰天地闢萬物生人為正焉人化而為善禽獸化而

為惡人而不善者謂之禽獸

老子曰人法地地法天天法道道法自然

文子曰人之情欲平嗜慾亂之精氣為人人受天地變化

而生一月而膏初生形骸如膏脂二月而脉漸生筋脉三月而胚胚也三

龍狀也四月而胎如水中蝦蟇之胎五月而筋氣積而成筋六月成骨

脂化肉肉化骨七月成形四肢成八月而動動作九月而躁數動

前如十月而生形骸乃成五藏乃形

又曰昔者中黃子曰天有五行地有五方聲有五音物有五味色有五章人有五伍五伍二十五故天地之間有二十五等人上伍有神人真人道人至人聖人次伍有德人賢人智人善人辯人中伍有公人忠人商人平人直人下伍有家人奴人愚人視肉人小人上伍之與下伍猶人之與牛馬也○又曰智出於萬人者謂之後百人者謂之傑

十人者謂之豪。列子曰：戴髮含齒，倚而趨，謂之人。管子曰：人，水也；男女精合，而水流形。二月而咀，咀者五味也。五味是五藏：酸生脾，鹹生肺，辛生腎，苦生肝，甘生心。藏已具，而後生五肉：脾生髓，肝生骨，腎生筋，肺生革，心生肉。肉已具，然後生九竅：脾為鼻，肝為目，腎為耳，肺為口，心為下竅。五月而成，十月而生。

淮南子曰：古未有天地之時，惟象無形，窈窕冥冥，鴻洞莫知其門。有二神經營天地，二神陰陽之神也於是乃別陰陽，離為八極，剛柔相成，萬物乃形。煩氣為蟲，精氣為人，是故精神天之有也，骨骸地之有也。精神入其門，而骨骸反其根。又曰：言無常是，行無常宜者，小人也；察於一事，通於一技者，中人也；若覆而并有之，技能而裁使之者，聖人也。裁制其技能而裁制使之也

又曰：故頭之圓也，象天足之方也，象地。天有四時，五行九解，九解者八解方中央也三百六十六日，人亦有四肢五藏九竅三百六十骨節。天有風雨寒暑，人亦有取與喜怒，故膽為雲，脾為風，腎為雨，肝為雷，以與天地相參也。而心為之主，是故耳目者，日月也。

公孫尼子曰：人有三百六十節，當天之數也。形體有骨肉，當地之厚也。有九竅，脈理當川谷也。血氣者，風雨也。白虎通曰：男女者，何謂男者任也，任功業也；女者如也，如從人也。

風俗通曰：天地初開，未有人，女媧擣黃土為人，力不暇，乃引絙於泥中，以為人，富貴黃土人也，貧賤凡庸，絙人也。人物志曰：夫精欲深，微質欲懿，重志欲弘，大心欲謙，小精微，所以入神妙也。麗則失神，質重所以崇德，宇也。躁則失身，志大所

以堪任物也小則不勝小心所以慎咎悔也大則驕陵由此論之心小而志大者豪傑之俊也心大而志小者傲蕩之類也心小而志小者拘悞之人也

任子曰木氣人勇金氣人剛火氣人強而躁土氣人智而寬水氣人急而賊

傅子曰人之性如水焉置之圓則圓置之方則方澄之則淳而清動之則流而濁

孕

易漸卦曰鴻漸于陸夫征不復婦孕不育凶王弼注曰夫婦邪醜則非

故不育○尚書秦誓曰商王受焚炙忠良剝剔孕婦

左傳僖中曰晉惠公之在梁也梁伯妻之梁嬴孕過期卜招父與其子卜之其子曰將生一男一女招曰然男為人臣女為人妾故名男曰圉女曰妾及子圉西質妾為宦女

焉

大戴禮曰周后任成王於身立而不跛坐而不差獨處不倨雖怒不詈胎教之謂也書之玉版藏之金匱置之宗廟為後世戒

史記曰后稷名弃母有邰氏女曰姜嫄為帝嚳元妃出野見巨人跡心說顧之乃踐之身動如孕者居期而生后稷又曰秦之先顓頊之苗孫曰女脩玄鳥墮卵脩取吞之有孕生子大業

又曰昔夏后氏之將衰也有二龍止於夏庭龍亡瘞在櫝而藏之至周厲王發而觀之瘞化為玄黿入王後宮官妾未亂而遭之既笄而孕無夫而生子懼而弃之即褒姒也漢書曰張倉妻妾百數嘗孕者不復幸

又曰鈞弋夫人懷昭帝十四月乃生上以堯十四月而生

今鈎弋亦然乃命門曰堯母門

又曰初王禁妻李親任政君在身夢月入其懷

范曄後漢書曰鮮卑檀石槐者其父投鹿侯初從匈奴軍三年其妻在家生子投鹿侯怪欲殺之妻言嘗行聞雷震仰天視而雹入口因吞遂任身十月而產子

又曰靈帝王美人任娠畏何后乃服藥欲除之而胎安堅終自不動又夢見負日而行四年乃生皇子協后遂酖殺美人帝大怒欲廢后諸宦官固請得止董太后自養協號董侯

東觀漢記曰張奐爲武威太守其妻懷孕夢見帶奐印綬登樓而歌乃訊之於占者曰必生男復臨茲邦命終此樓既而生猛以建安中爲武威太守殺刺史邯鄲商州兵圍之急猛恥見擒乃登樓自焚而死

魏略曰昔北方有高離國者其王侍婢有身王欲殺之婢云有氣如雞子來下我故有身後生子王捐之於溷中豬以喙噓之徙於馬闌中馬以氣噓之王疑以爲天生乃令其母收畜之名之曰東明帝令牧馬東明善射王恐其奪國欲殺之東明走至淹水以弓擊水魚鱉浮爲橋東明因得渡魚鱉散追兵不得渡東明因都王夫餘之地也

又曰黃牛羌種孕身六月生

吳錄曰武烈皇帝姓孫名堅字文臺母有身夢腸繞吳闔

門又曰長沙桓王名策字伯符武烈長子母吳氏有身夢月入懷

晉書曰賈后酷虐以戟擿諸宮人孕子皆隨刃而死晉陽秋曰初太宗諸子繼天諸姬絕孕令扈謙卜繇云後

房當有女誕三男一女終大盛於是盡出後宮及諸婢悉見之織坊中有一人色黑宮人謂之崑崙相者驚曰此是也帝以大計幸之生烈宗

車頻秦書曰符堅母苟氏浴漳水經西門豹祠歸夜夢若有龍蛇感已遂懷孕而生堅

三國典略曰周太祖宇文泰之母曰王氏初孕五月夜夢抱子昇天纔不至而止寤以告德皇帝皇帝喜曰雖不至天貴亦極矣

列子曰思士不妻而感思女不夫而孕后稷生乎巨跡伊尹生乎空桑

莊子曰舜之治天下使民心競民孕婦十月而生子子生五月而能言教之速不至乎孩而始誼誰者別人之意未孩已擇人言誼教速成則始又有天矣

呂氏春秋曰有侏氏女子采桑得嬰兒于空桑之中獻之其君察其所以然曰其母居伊水之上孕夢有神告之曰曰出水而東走母顧明日視曰出水告其隣東走十里而顧其邑盡為水身因化為空桑伊尹母化也

淮南子曰孕婦見兔其子缺唇見麋而子必四目

帝王世紀曰庖犧氏風姓也母曰華胥燧人之代有大迹出雷澤胥履之生庖犧

又曰帝堯陶唐氏祁姓也母曰慶都孕十四月而生堯於丹陵名曰放勛

遁甲開山圖榮氏解曰女狄暮汲於石紐山下大祠前水中得月精如雞子愛而含之不覺而吞遂有身十四月而生夏禹

括地圖曰大人國其民孕三十六年而生兒生兒長大能

乘雲蓋龍類去會稽四萬六千里

外國圖曰方丘之上暑濕生男子三十而死其潢水婦人入浴出則乳矣是去九疑二萬四千里

列女傳曰簡狄者帝嚳之次妃也妃有娥氏之女與姊妹

浴於玄丘水之上有玄鳥銜卵而墜五色甚好相與競取

之簡狄得而吞之有孕遂生契

先結切

又曰大任者文王之母性專一及其有身目不視惡色耳不聽惡聲口不出惡言以胎教也

會稽先賢傳曰吳侍中闕澤字德潤在母胞八月叱聲震

外

蜀郡記曰諸山夷獠子任七月生生時必臨水兒出便投

水中浮則取養沈乃弃之

華他別傳曰甘陵相夫人有胎六月腹痛十餘日大極請

他視脉他曰有兩胎一已死便手摹其胎在左男也在右女也右死卽爲湯下之便愈

洞冥記曰東方朔母田氏寡居夢太白星臨其上因有娠

田氏歎曰無夫而娠人將棄我乃移向代都東方里爲居

五月旦生朔因以所居里爲氏朔爲名

博物志徐君宮人有娠而生郊以爲不祥棄於水濱獨狐

母有犬名鵠倉獵於水濱得所棄郊銜以來歸獨孤母以

爲異乃覆燻之遂成兒兒生而偃故以爲名徐君宮中聞

之乃更錄取長而仁智襲君徐國後鵠倉臨死生角而九

尾實黃龍也偃主葬之徐界中今見有狗壟

又曰婦人在娠不欲見醜惡物異鳥獸食亦當避異常味

不欲令見熊虎豹射御食牛心白犬肉鯉魚頭正席而坐

割不正不食聽誦詩書諷脉之聲不聽淫聲不視邪色以

此產子子賢明端正壽考所謂胎教之法
異苑曰瞽瞍生舜徵在生孔子其有胎教也哉婦人妊娠
未滿三月著鞶冠衣平旦左繞井三匝映井水照見影而
去勿返顧勿令鞶見必生男
又曰魏興李宣妻樊氏義熙中懷任過期不孕而額上有
創兒穿之以出長爲將今猶存名胡兒
又曰太原溫盤石母懷身三年然後生墮地便坐而笑髮
覆面牙齒皆具
續搜神記曰表眞在豫州遣妓女紀陵送阿薛阿郭阿馬
三妓與栢宣武至經時三人半夜共出庭前觀望忽見一
流星夜從天直墮盆水中罔然明淨薛郭二人更以瓢酌
水皆不得阿馬最後取星正入瓢中便飲之卽覺有娠遂
生栢南郡

幽明錄曰譙郡胡馥之娶婦李氏十餘年無子而婦卒哭
慟云妾無遺體遂喪此酷何深婦忽然起坐曰感君藏悼
我不卽朽君可瞑後見就依平生時陰陽當爲君生一男
語畢還卧馥之如言不取燈燭暗而就之交接後歎曰亡
人亦無生理可別作屋見置瞻視滿十月然後殯尔來覺
婦身微暖如未亡既及十月果生一男男名靈產
論衡曰后稷之母衣帝嚳之服坐息帝嚳處而任身
又曰傳言黃帝任二十月而生生而神靈弱而能言
語林曰張衡之初死蔡邕母始孕此二人才貌相類時人
云邕是衡之後身

